



सानसेयारि **“बड'सा”** खरीर्लाइयाव समाजयारि जिउजों लोब्बा थानाय रायथाय, खन्थाय, खल, खल'बाथा आरो दावबायारि थावनि, पार्क बाइदिनि सायाव लिन्नाय लिर्बिदां दैथाय हर्/ सानसेयारि **“बड'सा”** खरीर्लाइया खेबखानावै फोखावकोन/

बड'सायाव लिर्हर्नायनि हुदा खालाम, **“बड'सा”** खरी नौथो, जों बयबो आंगो खालाम/

सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Tuesday ★ 29 April, 2025 Kokrajhar, BTC, Assam ★ Vol.- 35, Issue No. 34 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

सा 71 मख'जाथाव सुबुंफोरनो पद्म बिभुषण, पद्म भूषण आरो पद्मश्री बान्थाखौ गथायबाय

ड॰ अनिल बर'आ पद्मश्री बान्थाखौ हादतगिरि द्रौपदि मुमुनिफ्राय आजावबाय

गोदान दिल्ली, 28 एप्रिल: थुनलाइ आरो सोलो'थाइ फोथाराव गावनि बेसेन गोसा बिहोमा होनो हानायनि थाखाय 2025 माइथायनि पद्मश्री बान्थानि थाखाय सायख'जानो हानाय ड॰ अनिल बर'नो दिने सनमान गोर्ना गोर्जो थाखोनि (□ 6 बिलाइआव)



भेरगाव, 28 एप्रिल: आसाम आइन आफादनि बुंथिगिरि बिस्वजित दैमारिआ दासान्दि गावनि बिधान सभा बियाबआव थाद'नाय गैयै जौगालु खामानि मावनायनि बिथांखि बेखेवगासिनो थानायखौ नुनो मोन्दों। सिगां समफोराव गावनि बिधान सभा बियाबनि सिडाव थानाय भेरगाव हालामनि गुबुन गुबुन ओन्सोलफोराव गोबांथार



जौगालु बिथांखिफोर मावफुंनयनि उनाव दिने फिन आरोबाव सानसेनि गेजेराव

मोन 7 जौगालु बिथांखि आफादनि बुंथिगिरि बिस्वजित दैमारिआ। गिबियाव टंलानि सातियापारा गामिआव कुलिस

दैमानि खुरखानायखौ होबथानायनि थाखाय आसाम सरकारनि देफुंखा बिफाननि गेजेरजों मोनसे हा खुरखानाय होबथा बिथांखि मावफुंनयनि अन्थाइ खामफा बेखेवनाय जायो। बेनि उनाव भेरगाव जौगाखां खोन्दोनि सिडाव थानाय सामुवापारा भिसिडिसिनि बेखेवनाव दाव- (□ 6 बिलाइआव)

बासबारि दख'रा बर' समाज आफादआ मेट्रिक आन्जादआव सेथि आरो नैथि थाखोआव उथिनो हानाय फरायसाफोरखौ बरायदों

दानि जुगाव सोलो'थाइ गैयाब्ला नौनि जिउआ खोमसि: सम्राट हाजवारि

पर्वतझरानिफ्राय सोमखोर ब्रह्म, 28 एप्रिल: दिनैनि फरायसायानो गोबोननि हादरगिरि। बे नोजोर आरो थांखिजों देग्लायनि मेट्रिक आन्जादआव सेथि आरो नैथि मासि लानानै उथिसार जानो हानाय फरायसाफोरखौ बरायदों बासबारि दख'रा बर' समाज आफादआ। कक्राझार जिल्ला पर्वतझरा महकुमानि सिडाव थानाय बन्थागुरि गामिनि क मिउनिटि न'ब्लांआव



बासबारि दख'रा बर' समाज देग्लायनि मेट्रिक आन्जादआव सेथि आरो नैथि थाखोआव

उथिसार जानो हानाय फरायसा- फरायसुलिफोरखौ बरायदों आरो

मान बाउदों। गुबुन - गुबुन बोसोराव बरायनाय बायदिनो देग्लायबो मेट्रिक आन्जादआव सेथि आरो नैथि मासि लानानै उथिसार जानो हानाय मालटिझरा गामिनि आरो बन्थागुरि गामिनि फरायसा- फरायसुलिफोरखौ बन्थागुरि गामिनि कमिउनिटि न'ब्लांआव बरायदों बासबारि दख'रा बर' समाज आफादआ। मालटिझरा गामिनि आरो बन्थागुरि गामिनि (□ 6 बिलाइआव)

गुवाहाटीआव खुंनय 12थि सेनियर नेसनेल रुगबि सेम्पियनसिपआ जोबलांबाय

रुगबि गेलेमुआ लाइमोन गोहो, आबुथि, हान्जाचारि गोरोबलायनाय आरो बाउसोमनायनि मोनसे गोहो गोरा गेलेमु: राइज्यो बेगिरि



गुवाहाटी, 28 एप्रिल: आसामनि राजथावनि नोगोर जोबथा बादायलायनायाव सोनाब बंगआ गुवाहाटीनि इन्दोरा गान्धी एथलेटिक स्टेडियमआव देरहासार जानानै 12थि सेनियर नेसनेल रुगबि खुंनय 12थि नेसनेल सेनियर रुगबि सेम्पियनसिपआ सेम्पियनसिप बिमुंखो आवग्रिनो हायो। थानाय जोबलांबाय। दिने जोबथा बादायलायनाया सोनाब 23 एप्रिलनिफ्राय खुंनयनाय बे 12थि सेनियर बंग आरो हारियाणानि गेजेराव जादोंमोन आरो बे नेसनेल रुगबि (□ 6 बिलाइआव)

फैगौ बि टि सि बिसाइख'थियाव इउ पि पि एल दोलोआ 25 निफ्राय 27 मासिआव देरहागोन: ड॰ सांरां ब्रह्म

मुसलपुरआव मुसलपुर जिल्ला लाइमोन इउ पि पि एलनि मावफारिया जथुम्माजों लोगोसे वार्कशप



मुसलपुर, 28 एप्रिल: बि टि सि बिसाइख'थि खुं'जानो गेजेराव 5 दानसो सम दंबावो।

बे बिसाइख'थिखौ नोजोर बोनानै गुबुन गुबुन राजखाथि हान्जाफोरा गावबा-गावनि

दोलोखौ गोखों खालामनायनि थांखिजों राइजो-राजाफोरजों लोगोसे दोलोनि दैदेनगिरि माव'थि फोर जों सावरायलायनायखौ नुनो मोनदों। बे बायदिनो बाक्सा जिल्लानि सदर मुसलपुरआव थानाय काल्चारेल क मप्लेक्सआव मुसलपुर जिल्ला लाइमोन इउ पि पि (□ 6 बिलाइआव)

बड'लेण्ड जार्नेलिस्ट एससिएसननि 5थि नै बोसोरारि जथुम खुंदों



गसाइगाव, 28 एप्रिल: गसाइगाव गोर्जौसिन गेजेरारि फरायसालिनि गेलेग्रा फोथारआव मैयानिफ्राय जागायजेन्नाय बड'लेण्ड जार्नेलिस्ट एससियेसननि 5थि

नै बोसोरारि मिरु जथुम्माया दिने जाफुंसारै खुंफुं जाबाय। हाबाफारि बादिथै दिने फुंनि 10:00 रिंगायाव एससियेसननि आफादगिरि अबु बक्कर शिद्दिकिआ एससियेसननि

फिरफिलाखौ बिरहोयो आरो सुंद' बिबुंथि लाखियो। नेहाथारि रमेन दासआ मुंखलं खाम्फायाव मान बाउयो। बेनि उनावो हांखाय हरजानाय आलासिफोरा फरायसालिनि सोरगिदि बिफां फुलि गायो। बान्जाय आफादनि आफादगिरि जेथमल मालुआ बराय बिबुंथि लाखिदों। बिटिसिनि मावफुं सोद्रोमा ड॰ निलुतु स्वर्गियारिआ खौरां बिलाइ आरो गोसोखां लाइसि बेखेवदों। लोगोसेनो (□ 6 बिलाइआव)

भारत-भुटान सिमना ओन्सोलाव रंजालि बैसागु फोर्बो फालिदों



कक्राझार, 28 एप्रिल: बिटिआर सरकारनि दावबायारि आरो हारिसुआरि बिफाननि जुथायै बान्जायनायाव दिने कक्राझार जिल्लानि भारत-भुटान सिमना ओन्सोलनि सरलपारा पिकनिक जाग्रा जायगायाव सानसेनि हाबाफारिजों जोंगा-मागा थुलुंगाखांनाय रंजाथयनि गेजेरजों बैसागु फोर्बो (□ 6 बिलाइआव)

भबानिपुर-सरुपेता जिल्ला परिषद बियाबआव जुथाय दोलोनि बिजाथिनि जानानै बिसायख'थियारि मेल खुंदों

भबानिपुर, 28 एप्रिल: 'गाहाइ मन्थि नरेन्द्र मदिनि दैदेनायाव भारतवर्षआव आरो आसामनि गिबि मन्थि ड॰ हिमन्त बिस्व शर्मानि दैदेनायाव आसामनाडै गासै बिथिडावनो जौगाखांनायनि थाखाय बे खेबाव आसामनि पन्सायत बिसायख'थियाव जुथाय दोलोनि बिजाथिनो राइजो-राजाफोरा भट थुगोन। आसामाव 70 जौखोन्दो पन्सायत आरो जिल्ला परिषदआव जुथाय दोलोनि बिजाथिआ देरहागोन। भबानिपुर-सरुपेता जिल्ला परिषद बियाबआवबो जुथाय

दोलोनि एबा अगप दोलोनि फसंजानाय बिजाथि अरबिन्द बर्मनआ राइजो-राजाफोरा गोबां भटनि फारागथियाव देरहा होगोनआ रोखा। अरबिन्द बर्मनआ देरहानायनि उनाव अरबिन्द बर्मनखौ बजालि जिल्ला परिषदनि मासिगिरि

महरै फसंगोन।' -बेबादि बिबुंथिखौ आसाम सरकारनि केबिनेट मन्थि रन्जित कुमार दासआ दिने भबानिपुर-सरुपेता जिल्ला परिषद बियाबनि सिडाव थानाय कलबारियाव खुंनय जुथाय दोलोनि पन्सायत (□ 6 बिलाइआव)



55थि सान्जा माजबात रडलि बिहुआ लांदां बिहु बादायलायनायडजों जाफुंसारै थुंगेबाय



माजबात, 28 एप्रिल: उदालगुरि जिल्लानि सान्जा माजबात रडलि बिहु फोर्बो फालिनाया लांदां बिहु बादायलायनायजों जाफुंसारै थुंगेबाय। माजबातनि बिष्णु मन्दिर लांगोनायाव सान्जा माजबात रडलि बिहु बान्जाय आफादनि बान्जायनायाव खुंजानाय हाबाफारियाव आसाम बिथायाव लांदां बिहु बादायलायनायखौ खुंनय जादों। लांदां बिहु बादायलायनायखौ डेकियाजुलिनि समाज सिबियारि आरो बिहुवा इश्वर प्रान राभाआ बेखेवना होदों। लांदां बिहु खुंनय जायगायाव गिबियावनो माजबात गरैमारिनि नबज्यति बिहुवा हान्जाया बाहागो लायो। बेनि उनाव बिहु खुंनय जायगायाव शिबसागड, जरहात, शनितपुर, (□ 6 बिलाइआव)

मिथिंगा अनफावरि बिष्णु बसुमतारिनि बाख्यायथाव खामानि

गावनि रां खरसा खाबालामनानै नाउबान्दा दैसायाव 5 रोजानि बांसिन ना फुवान हगारदों

गरेस्वरनिफ्राय दैमालुराम बर', 28 एप्रिल: समाज सिबियारि बिष्णु बसुमतारिनि मिथिंगा अन्साइनायनि मोनसे बाख्यायथाव हाबाफारि। बिष्णु बसुमतारि मुनि सासे सुबुंआ 5 रोजानिबो बांसिन ना फुवान हगारदों नाउबान्दा दैसाआव। तामुलपुर जिल्लानि बेन्दोखव थानाय भलाझार

लोत्थिबारि गामिनि थागिबि बिष्णु बसुमतारिआ गावनि गोबां रां खरसा खालामनानै गोसो खुसियै 5 रोजानिबो बांसिन ना' फुवानखौ गावनि जोनोम गामिनि गेजेरजों बोहैलांनाय नाउबान्दा दैसाआव गामिनि राइजो-राजाखौ लानानै दैयाव (□ 6 बिलाइआव)



सुजुगिरिनि खोलोम

सोलायनायनि जाफुंनाय

सोलिफु समआ थि थांखि, गोब्राव नाजानाय, सोलॉनाय गोसो आरो थासारिजॉं गोरोबनानै सोलिनायजॉंसो गावनि थांखिनि लामा दिहुन्नायाव गोलेँ जानायखौ नुनो मोनो। थांखि, नाजानाय आरो सोलॉनायनि गोसो गैयाब्ला थानानै थानायनि दोंफ्रोमबो लामाआवनो थाबायनो हायै सु गोनां जांसिबादि थासारि नुजाथिगोन। बेखायनो जायखि-जाया बिथिनि थानानै थानायनि लामा मोन्नांगौब्ला मावनाय, नाजानाय आरो थांखि लानानै सिगांलाडोब्ला थानानै थानायनि गोथों आरो स्लिम लामाखौ सानसे नडा सानसे मोनफुँहेनो हागोन। आथिखाल गिदिर गिदिर फार्मनि अनगायोबो सुबुंफोर फिसा-फिसा आबाद मावनानै थानानै थानायनि लामा दिहुन्तो, सोलॉनो हानाय थासारि सोजिबाय। समजों लोगोसे सोलायनाय फैनायाव सिगानि गोब्राव रहाजों आबाद मावनाया गोलेँ जालांसिन्नो हमदों आरो आरो सोलिफु समनि आबाद मावनायाव दिहुन्थायाव गोसो गोजोन्नायखौबो नुनो मोन्नाय जाबाय। आबाद मावनार्यनि आदोबफोर सोलायनानै फैनायाव आथिखाल गोदान गोदान माय, बेसर, फैगं-थाइगं, फिथाय-सामथायनि फसल मावनो सोलॉनायजों आबाद फोथाराव सोलायनाय लाबोनायखौ नुनो मोन्नाय जाबाय। सिगांफोर समाव सोदोनाय गैयै जोलेँ बेगर बाहायनाय, हाफोरा हासरा गैयै जालांनायनि जाहोनाव आबाद मावनायाव लुबैनाय बादि फिथाय मोन्तो हायामोन। मोसौ-मैसोजों दान मोनसे-मोन्नेसिम माय आबाद मावनानै सोलिनांगौ जायोमोन। बे रेखोमैनो फिथाय-सामथायनि बेलायावबो सिगां समाव बारि-बागानफोरर खज 'नाय, गायनाय थाइजौ-खात्थाल, नारें-बैग्रिफोरनि अनगायै गुबुन जाथोनि फिथाय मोन्तो गोब्रावमोन। बेखायनो रां बुथुमनायनि लामाखौ नुहरामोन। बोथोर बिफानआ फोसावनाय बादियै देरलाय माय आबादनि थाखाय मोजां। मौसुमि अखा फैनायनि सिगांनो वेस्टर्न डिस्टर्बेन्सनि जाहोनाव प्रि-मौसुमि अखा हाबाय थानाया आबाद फोथारनि थाखाय मोजां जादों। बेजों लोगोसे मौसुमि अखानि बार फैनायाव गोखों हेंथा होबोनाय प्रशान्ट लैथोमायाव गुदु बार सोमजिहोग्रा एल निन'नि गोहोम फैनाय नडा होन्नानै बोथोर बिफानआ मख'दों। बेखौ नोजोर होयोब्ला देर्लानि आबादनि थाखाय मौसुमि अखानि थासारिया मोजां। गुबैयै मौसुमि अखाया जौनि हादतआव मे दारनि जोबथा नडाबा जुननि गिबि सप्ताहनि गेजेराव हाबफैनायखौ नुनो मोन्नाय जायो।

समजों गोरोबनानै आगान सुर्लोनो गोनां जानानै फैनायाव सुबुंफोर सोलॉनानै सोलायनाय लाबोनो नाजाबाय। ओन्सोलाव मोन्तो थाई गोदान गोदान जाथोनि गोथाव गोथाव फिथाय-सामथाय गायनानै गावनि मुलाय्म आर्जिनार्यजों लोगोसे गुबुनखौबो सोलॉनानै फिथाय-सामथायनि आबाद मोवनो थुलुंगा होनो हानाय जाबाय। गुबुननिप्रय सोलॉनानै जौनि ओन्सोलावबो सिगां समफोरव मोन्तो थाई बाइदि रेखोमनि फिथाय-स्ट बेरि, ड्रगन फिथाय, तमुज, बैग्रि बिलाति बादि देहाति थाखाय मुलाय्म गोनां गुबुन गुबुन जाथोनि फिथायनि बागान खालामनानै ओन्सोलावनो मोनजानाय खालामनो हानायजों लोगोसे मुलाय्म आर्जिनो आरो सुबुंफोरसो बागाननि खामानियाव थिसन्नो रहा फैनायखौ नुनो मोन्नाय जाबाय। बेयो बयनिबो थाखाय थुलुंगा गोनां हाबा, थानानै थानायनिबो रहा-लामा। गुबुन गुबुन फिथायनि आबाद बाइदिनो थियोब्रोमा ककोआ फिथायनि आबादयावो मोनसे। आथिखाल जौनि हालामावबो बे आबादखौ साफा-सानै सुबुंफोर मावनानै मुलाय्म मोन्तो हानायखौ मिबथि मोन्नाय जादों। गोलेँयैनो मावनो हानाय थियोब्रोमा ककोआ फिथनि फिथायनिप्रयनो चकलेट दिहुनाय जायो। मिबथिनाय बादियै जौनि आबहावया थियोब्रोमा ककोआ आबादनि थाखाय गोरोबनाय आरो बे आबादनि थाखाय गयबारियानो सावजाथाव। गयबारियाव गायोब्ला बेनि थाखाय अलादयै साइख्युम होनांगौनि गोनांथि जाया। चकलेटआ बिखा गोगो लाखिनाय आरो गात्रि मुडखौ मोजाखव लाबोनायाव मदत होयो। मिबथि मोन्नाय बादियै चकलेट बिफां थियोब्रोमा ककोआ ट्रेखौ 2000 बोसोर सिगां खोला आमेरिकानि सै फेस्टिव आव सनानै दिहुदोंमोन। इअपआव 1550 निप्रयनो चकलेट बाहायनाया जागायदोंमोन होन्नानै बुंनाय जायो। चकलेटखौ खुसि-रंजाथाय आरो फालिथायनि नेसॉन होन्नानै सान्नाय जायो, बेखायनो जोनोम सानफोरव चकलेट बाहायनायखौ नुनो मोनो। चकलेट बिफां एबा थियोब्रोमा ककोआनि आबादखौ सरासन्हायै सैक्सि', सेन्ट्रल आमेरिक आर खोला आमेरिकानि सहा बाहागोयाव गोब्राथोर आबाद मावनाय जायो। चकलेट फिथाया बेसेन गोसाब्लाबो आबाद मावनो आरो दिखानो गुबुननि रुजुनायाव गोलेँसिन होन्नानै मिबथिनाय जायो। मुलाय्म गोनां आरो बेसेन गोसा बे फिथायनि आबादखौबो सोलॉनाय आरो थानानै थानायनि लामाखौ सोलायनाय लाबोनायनि थांखियै गोलेँसोनानै थानाय जायगाफोरव मावनो गोनांथि होनांगौ, जाहाथे बे आबादखौ मावनानै गुबुन आबादफोर बादिनो आर्जिनार्यनि लामा दिहुन्नायाव मदत मोन्तो हायो।

दिनैनि फान्जामुथि

राशि बाइदियै मुंनि गिबि हांखो

मेघ : अल
कर्कट : डह
तुला : तर
मकर : खज

बृष : ऊब (उ ए इ)
सिंह : मट
वृश्चिक : बन
कुम्भ : ग श (स)

मिथुन : क छ (ड घ)
कन्या : प ट (ण ष)
धनु : ध भ (ढ़ फ)
मीन : द च (ख ज झ)

मेघ: मानिबा जाहोनाव रंजानाय मोन्तो हागोन। गोसोखौ गोजोन मोनगोन। मोजां सान।

वृष: बे राशिनि थाखाय शुभ दिन। जेखि जाया मोजां हाबा मावनो हागोन। सान्नाया जाफुंगोन।

मिथुन: सरकारि साखि मावनायाव गोहोम खोख्लैनो हागोन। फारफ्रोमथिबो मोजां। गोजोन मोनगोन।

कर्कट: हरखाबै माबा मोनसे मुवा-बेसाद मोन्तो हागौ। गोसोखौ गोजोन्नाय मोनगोन। मोजां सान।

सिंह: नख 'रनि बिदा-फंबायफोरजों सोमोन्दो गावसालायनाय जानो हागौ। गोसोखौ हमथा।

कन्या: गोथार खामानि मावनो गोनां दडबा मावनो हागोन। दिनैनि दिनआ शुभ सान।

तुला: माबाफोर बेरामआव गोलेँबायनो हागौ। देहा-सावसिखौ सांग्राडै लाखिनांगोन।

वृश्चिक: लोगो-दिगि जालायनाया बांलांगोन। गोजोनै सम बारहोनो हागोन। मोजां सान।

धनु: सोरजोंबाफोर दावराव-दावसि जाबाय बायनो हागौ। गोसोखौ हमथाना थानाया गाहाम।

मकर: सोरनिफ्रायबा माबाफोर थुलुंगानाय मोन्तो हागोन। गोसोखौ गोजोन मोनगोन। मोजां सान।

कुम्भ: जेखि जाया मानिबाफोर हेंथा मोन्तो हागौ। सान्नाया जाफुंनाय नडा। सांग्रां जानांगोन।

मीन: जेबो जेंना गैयै शान्तिथै थानो हागोन। फारफ्रोमथिबो मोजां गोजोन मोनगोन।

कंग्रेसआ गिबि मन्थि शर्मानि सायाव कंग्रेसनि दैदेनगिरिफोरखौ गाग्लोबहोनायनि दाय जाबसिन्दों

गुवाहाटी, 28 एप्रिल : आसामाव राजखान्थियारि जेंनायाव बाश्ना दान्थेलायनाया बांनाय समावनो, आसाम राइज्यो कंग्रेस कमेटी (एपिसिसि) नि आफादगिरि भुपेन बराय दाय जाबसिन्ना बुंदोंदि, कंग्रेसनि एमपि प्रद्युत बरदलइ आरो एमएलए सिबामनो बरानि सायाव जानाय हिंसायारि गाग्लोबनायनि थाखाय गिबि मन्थि शर्मायानो दायनिगिरि। सनापुरनि मोनसे हाबाफारिआव बाहागो लानानै बिथाडा मिडियानि सिगाडव बिजेपिखौ हेफाजाब होग्रा हान्जाफोरनि

सायाव खैसार सानानै जाबसिनो, जेराव सानैबो गाग्लोबनाय एबा प्लेनि दैदेनगिरिआ जोखोम जायो आरो खालामना गाग्लोबनायनि दाय बेनि फिथाइ महरै कंग्रेस

5 लाख पाकिस्तानी आइजोफोरा जुलि जानानै भारतआव दंफैयो: निशिकान्त दुबे

गोदान दिल्ली, 28 एप्रिल : भारतीय जनता पार्टी (बिजेपि) नि एमपि निशिकान्त दुबेआ पाकिस्तानखौ गोखों रावजों गाग्लोबदों। बिथाडा एक्सआव पस्ट होनानै बुंदोंदि, पाकिस्तानजों लोब्बा गोनां उतरखारिनि मोनसे गोदान महरा सोरांआव फैदों। बिथाडा पाकिस्तानी हिन्जावसाफोरनि आयदाखौ दैख्दांदों, जायफोरा जुलिनि उनाव भारतआव फैदों। नाथाय दासिमबो बिसोरो भारतनि नोगोरारि मोन्थाइखौ मोनाखै। गासै 5 लाखनि बांसिन पाकिस्तानी हिन्जावसाफोरा जुलिनि उनाव भारतआव दंफैयो, नाथाय बिसोरो दासिमबो

भारतनि नोगोरारिखौ मोनाखै। बै सुथुरजों माबोरै जुजिनो जाय न' सिडाव हाबफैबाय। बे थासारिया मोनसे गोब्राब खैफोदनि फारसे इसारा खालामदों। मख 'जाथावदि, जम्मु-काश्मीरनि पेहेलगामआव 22 एप्रिलखालि उतरखारि गाग्लोबनायाव सा 26 जिउ गोमानायखौ नोजोर बोनानै

दावहा दोन्थ 'नायनि उनावबो बेरुतनि सायाव गाग्लोबदों

बेरुत, 28 एप्रिल : इजराइलनि जेट उरां जाहाजफोरा थानाय रबिबारखालि बेरुतनि खोला लेडाइ नोगोरफोरनि सायाव गाग्लोबो। थानाय नभेम्बर जेबनायाव दावहा दोन्थ 'नाया सोलिनायनि उन्नतिफ्रायनो ओन्सोलाव बेयो थामथि इजराइलनि गाग्लोबनाय। बेनि ख 'हाफोरनि सोमोन्दै जेबो रिपट नुजाथियाखै। इजराइलनि सान्थिफोर गाग्लोबनायनि सिगां फोसावनाय सांग्रांथियाव बुडोदि, बिसोर हदथ ओन्सोलाव हिजबुल्लानि केम्पफोरखौ नोजोर होगासिनो दं। थागिबिफोरखौ गाग्लोबनायनि सिगां बै केम्पनिफ्राय खमैब्लाबो 300 मिटार जानगराव थानो खावलायो। अल जमुसनि खाथियाव गाग्लोबनायनि सिगां लेबनानी राजथावनिनि माखासे बाहागोफोराव दावहार उरां जाहाजफोर सोदोबखौ खोनानो मोनो। दावहा दोन्थ 'नायनि सिगां इजराइलनि ड्रन आरो दावहार जेटआ नेम-खान्थि महरै खोला लेडाइ नोगोरारिफोरनि सायाव गाग्लोबदोंमोन बेयाव

बिथाडा बिबुंथि होदों। बे जाथायनि उनाव भारतआ पाकिस्ताननि हेंथायै गोखों नायबिजिनानै 27 एप्रिलनिफ्राय गोहोम गोनाडै गोलाव समनि राजथान्दै आरो मावख 'यारि भिजानि अनगायै पाकिस्तानी नोगोरारिफोरनो फोसावनाय गासिबो थाखोनि भिजाखौ केन्सेल खालामदोंमोन।

थामथि खेब इजराइलआ

जाबसिनगासिनो दं। इजराइलनि गाग्लोबनाया सोलिबाय थानायनि गेजेरजों गाजा पट्टीनि देहा फाहामसालिफोराव थानाय 24 घन्टायाव सा 51 फिलिस्ताइनफोरनि गोथै देहाफोरखौ लानानै थानाय जादों। सावसि बिफाना थानाय रबिबारखालि बुडोदि, थानाय 1 खावसे बोसोरनिफ्राय सोलिबोबाय थानाय इजराइल-हामास दावहायाव थैनाय फिलिस्ताइनफोरनि अन्जिमाया 52,243 जायो। इजराइलआ 18 मार्चआव हरखाबै बम गावना हामासजों लोगोसे गावसोरनि दावहा दोन्थ 'नायखौ फोजोबो आरो बै समनिफ्रायनो बिसोर सानप्रमेमबो गाग्लोबगासिनो दं।

आसाम सरकारआ सहारि दै बानानिफ्राय बारग 'नो थाखाय दाखोर-दालाखौ थाबैनो बोस्त्रांनो बिथोन होदों

मोनसे मावख 'यारि बिथोन फोसावनानै बुडोदि, बेखौ फालियैन सायाव अलखद सामलायनाय नेम-खान्थि

मावफारियाफोरनि 4-5 गारिफोराव बुफाय-बुसि खालामो। बिथाड सांग्रांथिबो होनानै बुडोदि, कंग्रेस पार्टीआ जानो गोनां 2026 बिसायख 'थिआव बेनि गोखों फिन्नाय होगोन। बे गिखंथाव मोन्दांथिखौ गोसोखानानै बरदलइआ बुंबावोदि, गाग्लोबग्राफोरा दावराव-दावसिनि खाबु लानानै बिसोरनि गारिनि खिरिखफोरखौ बुफाय-बुसि

खालामदों आरो गाखोग्राफोरखौबो गाग्लोबनो नाजादों। बिसोरनि थांखिया गावसोरखौ जिउ फोजोबनायनिमोन होन्नाबो बुडो। एमएलए सिबामनी बरायाबो बै गाग्लोबनाय समाव दंमोन, जाय बरदलैन बुंनाय बाश्नाखौ रायखांदों आरो बे गाग्लोबनाया 3 थि खेब होन्ना बुडो। बिथाड गिबि मन्थि हिमन्त बिश्व शर्मानि सायाव थोंजों दाय जाबसिनो आरो बेयो प्लेनि खालामनानै गाग्लोबनायमोन होन्ना बुडो।

मेघालयआ सार्भाइकल केन्सारनि स्क्रिनिंगआव उन जानानै दं: रिपर्ट

स्टन टेस्टआ सरासन्हा नडा, बेखौ 1.3 जौखोन्दो आइजोफोरा' टेस्ट खालामजानो मोनो। फारसेथिं 56 जौखोन्दो गथ 'फोरा 3 ड्रप पेन्टबेलेन्ट एबा हेपेटाइटिस बि भैक्सिन सेरिसखौ आबुं खालामबाय। बे फोर सेलेन्सनि गेजेरावबो मेघालयआ माखासे गाहाइ सावसिंयारि जेंनाफोरा आसा खालामनाय बायदि मोजाडै दिन्थिफु'दों। गासै 81

जौखोन्दो सुबुंफोरा' मोजां सावसिंयारि सुबिथासिम सोहैनो हादों आरो 88 जौखोन्दोआव साखोन-सिखोन आदार संनायाव इन्धनखौ बाहायो। अदेबानि राइज्योनि सावसि इन्सुरेन्ज कभारेजआ शम। बेयाव 52.8 जौखोन्दो नख 'राल' रेजिस्टार दं, जाय साबसिन दिन्थिफुंनाय एरियाफोराव रिपर्ट थिसन्नो मोन्नाय 83-66 जौखोन्दो कभारेजनिफ्राय जोबोद गाहायाव दं।

आसामआव सासेल 'पाकिस्तानी सुबुं दडः गिबि मन्थि शर्मा

गुवाहाटी, 28 एप्रिल: आसामनि गिबि मन्थि डं हिमन्त बिश्व शर्मा आ रबिबारआव फिन खनसेबाव कंग्रेसनि लक्सभायाव लेडाइ गाहाइ दैदेनगिरि गौरभ गगैनि सायाव बाश्नाजों गाग्लोबदों। बेनि उनाव बेरेखा पार्टी कंग्रेसआ गोखों फिनजाथाय

होदों। गिबि मन्थि शर्माआ मिडियाजों सावरायनानै बुडोदि, आसामाव सासेल 'पाकिस्तानी नोगोरारि दड। बियो बेयावनि मोनसे अरायथा नख 'राव हावनानै थाफै दों आरो गोजोन जिल्लायाव थायो। नाथाय गुबैयै बियो

पाकिस्ताननिफ्राय फैनाय आरो बियो गोबाव समनि भिजानि थाखाय आर'ज गाबदों। मिरु सरकारनिसिम बिखौ दैथायहरफिनो ना दैथायहरा बेखौ रोखा खालामनो राइज्यो सरकारआ खावलायदों। बनि अनगायै आसामाव रावबो पाकिस्ताननि नोगोरारि गैया होन्नाबो गिबि मन्थिआ बुडो। मख 'जाथावदि, आसाम पुलिसनि सासेल' इन्भेस्टिगेशन टिमआ कंग्रेसनि एमपि गौरभ गगैनि बिसि आरो पाकिस्ताननि नोगोरारि, बोथोर खान्थिनि जर'खागिरि अलि तौकीर शेखनि गेजेरनि जेंना गोनां सोमोन्दोखौ नायबिजिरागासिनो दड।

जेबो नोजोर होया जासे नागारना होयो आरो बिथोनफोराव 2 घन्टानि गेजेराव दाखोर-दालाखौ बोखानो बिथोन होदोंमोन। बिबानगिरिफोर बुडोदि, अखानि समाव जमा दोन्नाय दोखोर-दालाफोर जेब्लाबो नालाफोराव थांफिनो, जायजों दाखोर-दालाखौ बोखारनो नाजानाय समाव दावबायारिफोरनि थाखाय जेबो गोनां थासारि सोमजियो। जिल्ला कमिसनारआ सांग्रांथि होयोदि, जायखि-जाया सांग्रांथि गैयै एबा नेम-खान्थिखौ फालियैयाव समाजारि सिबिथायाव हेंथा महरै गनायना लानाय जागोन।

अरुणाचल प्रदेशआव रैखाथि हान्जाफोरा
सा 3 उतरखारिफोरखौ फोजोबस्त्रांदों

जारिमिनारि रंघरआव उतरखारिनि
बेरेखा धर्ना खालामदों

कहिमा, 28 एप्रिल: अरुणाचल प्रदेशनि लंडिं जिल्लानि सिझव थानाय पंचाअ ओन्सोलनिफ्राय सानै लेबार मावग्राफोरखौ किदनेप खालामनाय दायआव एनएससिएन (के वाइए) फोलेरनि सा 3 उतरखारिफोरखौ फोजोबस्त्रांदों। सासे लेबारखौ रैखा खालामनाय जायो। मणिपुर नागालेन्ड आरो अरुणाचल प्रदेशनि रैखाथि सुबुं फोनांजाब बिबानगिरि लेफ्टिनेन्ट कर्नेल अमित शुक्लाआ मिबथि होयोदि, 25 एप्रिलखालि मोनानि समाव लंडिंनि पंचाअ ओन्सोलनिफ्राय सानै लेबार मावग्राफोरखौ किदनेप खालामनाय जादोंमोन। भारतीय सान्थि आरो आसाम राइफल्सनि जवानफोरा 27 एप्रिलखालि



पंचाअ ओन्सोलाव मोनसे जुथाइ अपारेशनखौ जागायदोंमोन। बेनि गेजेरजों एनएससिएन (के वाइए) फोलेरनि सा 3 उतरखारिफोरखौ

फोजोबस्त्रांदों। उतरखारिफोरनिफ्राय गुलि-बारुदजों लोगोसे गंब्रे हाथियार बोखांनो हादों। अपारेशनआव सासे लेबार मावग्राखौ रैखा

खालामनो हायो आरो गुबुन सासेखौ नायगिरगासिनो दं। बबेखानि बे केसआव भारतीय सान्थिनि आगुनि कमानआ फिनजाथाइ फोसावदों, जेराव

बुंनाय जायोदि, 25 एप्रिल 2025 खालि मोनानि समाव अरुणाचल प्रदेशनि लंडिं जिल्लानि पंचाअनि सरासन्हा ओन्सोलनिफ्राय सानै लेबार मावग्राफोरखौ किदनेप खालामनाय जादोंमोन। संगालि खौरां मोन्नानै भारतीय सान्थि आरो आसाम राइफल्सनि जवानफोरा 27 एप्रिलनिफ्राय अरुणाचल प्रदेशनि लंडिं जिल्लानि पंचाअनि सरासन्हा ओन्सोलाव मोनसे अपारेशन सालायनाय जादों।

शिवसागर, 28 एप्रिल: दिनै 28 एप्रिलआव जारिमिनारि रंगरआव मोनसे हान्जायारि धर्ना खालामदों, जेराव शिवसागरनि धर्ना होग्राफोरा उतरखारि आरो पाकिस्ताननि हेंथायै गावनि बाश्चा दैखांनाय आरो माहारियारि रैखाथियाव मोनसे गोखों थांखि आजावनो खावलायदों। सा आसाम लकेल मुस्लिम काउन्सिलनि बान्जायनायाव खुंनाय बेरेखा धर्नायाव बाहागो लाग्राफोरा रंघर ओन्सोलनिफ्राय हान्जा सुरदों, जेराव गासै ओन्सोलाव उतरखारिखौ सोंखारिनानै गोखों आरो दोहौ



गोनां स्ल'गानजों ओन्सोला रिंखाडो। धर्ना होग्राफोरा पाकिस्तानजों गासिबो रजथान्दै आरो गुबुन सोमोन्दोफोरखौ सिमफायनायाव आबुं मदत

होगोन होन्ना बुडो। लोगोसेनो भारतनि रैखाथि आरो गोजोनखौ रोखा खालामनायनि थाखाय बेबादि गोखों नायबजिरनाया गोनां होन्नाबो बुडो।

गोबां बरफ गोग्लैनायनि गेजेरावनो लाचुंआव थाबथाना
थानाय दावबायारिफोरखौ रैखाथियै बोखांनो हादों



गेंटक, 28 एप्रिल : गोबां बरफ गोग्लैनायनि जाहोनाव लामाफोरा थाबथानायनि जाहोनाव सान्जा सिक्किमआव गोदानै दावबायारिफोरखौ होबथादों, जायजों माखासे ओन्सोलफोरनि थाखाय पार्मिटआ सिमना गोनां जायो।रैखाथि जाहोनफोरजों जेएन रडनि थाखाय पार्मिटआ आथिखालाव चांगु बिलोसिमल' सोलिगोन आरो आरएन रडनि थाखाय पार्मिटआ जुलुकसिम सिमना गोनां जाना थागोन। बे

राहाया गोहोम गोग्लैनाय लामाफोरखौ स्त्रां खालामनो आरो दावबायारिफोरनि रैखाथिखौ रोखा खालामनो सोलिबाय थानाय नाजानायफोरनि बाहागो। मोनसे आलादा जाथायाव मोनसे जाफुंसार रैखा खालामनाय हाबाफारियाव हा गिसिखानायनि जाहोनाव लाचुंआव थाबथाना थानाय गासै दावबायारिफोरखौ रैखाथियै दिहुनो। 25

एप्रिलाव हा गिसिखानायनि उनाव बे ओन्सोलखौ सान्नासिम दोन्थ'दोंमोन, जायजों लामाफोरा थाबथानायजों लोगोसे दावबायारिफोरबो थाबथाना थायो। मंगन जिल्ला खुंथाइ, जायगानि बिबानगिरिफोर आरो हारिमुयारि हान्जाफोरनि गेजेरजों हाबाफारि सालायो। मंगननि जिल्ला कालेक्टर, चुंथानि एसडिएम आरो चुंतानि एसडिपिअजों लोगोसे गाहाइ

मावसुमाफोरा हाबाफारिखौ रोखा खालामनो थाखाय लाचुं दजुम्सानि पिपन बायदि जायगानि आफादफोरजों लोगोसे गोरुबलायनानै खामानि मावो। सिक्किमनि ट्रेबल एजेन्ट्स एस'सियेशन (टास) आ थाबथाना थानाय दावबायारिफोरजों लोगोसे खामानि मावनायाव मख'जाथाव बिफाव लादों। जेनेरेल रिजार्भ इन्जिनियर फर्स आरो बानायग्रा कम्पानीफोर ए.के. बिल्डर्स आरो एसइउएलआ बायखोन्दा थुखाफोरखौ बोखानाय आरो लामाखौ सोलिहोफिन्नायाव मख'जाथाव बिफाव होदों।

इम्फल, 28 एप्रिल : मोनसे हाबाफारि सालायनाय समाव भारतयारि सान्थि, आसाम रायफल्स आरो नोगोरारि पुलिसआ मणिपुर-म्यानमार सिमनाजों लोगोसे गासै मोन 28 बेरफ्रुग्रा जोन्थोर (आइइडिएस) खौ मिबथिनानै मोनसे जानो गोनां अलखदनिफ्राय रैखा खालामो। संगालि खौरां फोरनिफ्राय म्यानमारनि सिमनायाव माखासे उतरखारि मावसुमाफोर दं होन्ना मिबथिनायनि उनाव जुथाइ हान्जाया खोलाहा म्यानमारजों नांजाबनाय मणिपुरनि तेंनौपाल जिल्लानि टिमिनु, यांगौबु आरो टि बंमल गामिफोराव थानाय सांग्रांथि गोनां जायगाफोराव मोनसे अपारेशन खालामो होन्ना बिबानगिरिफोरा बुडो। मरेह पुलिस स्टेशननि गेजेरजों मरेह



लेइइ बिफाननि गेजेरजों टि मिनीयाव अपारेशन खालामनाय समाव बिडिएसआ रबिबार खालि जेबो ख'हा गैया जासे मोन 6 आइइडि जोन्थोरफोरखौ सिलिंखार खालामो। बिडिएसआ बै जिल्लानि यांगौबु आरो टि बंमल

गामिफोराव गासै 22 किल'मिग्राम लिस्थाइनि 22 आइइडिखौ बोखाडो। अपारेशनफोरनि समाव आइइडिखौ जायगायावनो सिलिंखार खालामो। आथिखालाव अपारेशनफोरनि समाव रावखौबो ग्रेप्टार

खालामाखै। बिबानगिरिफोरा फोरमायनाय बायदिब्ला, बोखांनो हानाय मुवा-बेसादफोरखौ उनाव नायबजिरनो आरो आयेंनारि हाबाफारिनि थाखाय मणिपुर पुलिसनो गनायना होनाय जायो।

50 बोसोर सिगां जानाय एजेन्ट
अरेन्जनि हेंथायै दावहाया सोलिगासिनो



वाशिंग्टन, 28 एप्रिल : भियेटनाम दावहाया 20 बोसोरसिम सोलिदोंमोन, जेराव आमेरिकाया गात्रियैनो जेन्नांदोंमोन। बेयाव 60,000 नि बांसिन आमेरिकान सान्थिफोरनि जिउ गोमादोंमोन। बे दावहाखौ जायखि-जाया थासारियाव देरहानो थाखाय आमेरिकाया भियेटनामनि सुबुंफोरखौ जोबोर इनाय-अनागार खालामदों, जायखौ खोनायोब्ला

गोजांस्त्रिव मोनो। आमेरिकाया दावहायाव गोबां ख'हा जानायनि उनाव 1973 आव भियेटनाम दावहानिफ्राय आनज्रायो आरो 30 एप्रिल 1975 आव बे दावहाया मावख'यारि महैरै जोबफैयो। बे समाव आमेरिकाया भियेटनामनिफ्राय थानाय समाव एजेन्ट अरेन्ज मुंनि मोनसे हाथियारखौ बाहायदोंमोन।

बेयो मोनसे रोखोमनि डिउलिएन्ट, जायखौ बिफां-लाइफांफोरखौ सिलिंखार खालामनो थाखाय बाहायनाय जायो। बेजों बिलाइफोरा रोमोलाडो आरो बिफांआ रानज्रबलाडो। आमेरिकाया भियेटनामनिफ्राय थानायनि सिगां एयारक्राफ्टजों हायाव गाइनाय फसलफोराव 65 मिलियन लिटरनि बांसिन एजेन्ट अरेन्ज साइन होदोंमोन। बेनि गिखंथाव गोहोमखौ दिनैबो नुनो मोनो। भियेटनामआव गासै 50 लाखनि बांसिन सुबुंफोरा बे केमिकेलजों गोहोम गोग्लैदोंमोन। एजेन्ट अरेन्जनिफ्राय 20 लाखनि बांसिन उन्दैफोरनाव केन्सारनि लोक्षोन मोन्दोंमोन।

अखा आरो बारहुंखाजों सानावनो गुवाहाटी नोगोरा खोमसि साग्लोबसारदों


गुवाहाटी, 28 एप्रिल : दिनै 28 एप्रिलनि फुझव बारहुंखा आरो गोबां अखा हानायनि जाहोनाव गुवाहाटीयाव गोबां खोमसि साग्लोबो, जायजों गासै सहराव सानफ्रोमबोनि जिउ खुंनाया जेंना गोनां जानानै फैयो। गोबां अखा हानायजों लोगोसे गोखों बार बारो, जायजों माखासे ओन्सोलफोराव

मोब्लिबा ख'हा जायो। बेफोराव दै लोमसावयो आरो ट्राफिक जाम जायो जेब्ला सुबुंफोरा मावख'फोर आरो स्कुलफोराव थानो थाखाय थियारि जागासिनो दंमोन। गोबां बारहुंखानि जाहोनाव माखासे ओन्सोलफोराव लामाफोरा लोमसावो,



जायजों ट्राफिक सोमजिना हान्था-मेलाया लेट जायो। भारत बोथोर बिगियान बिफानआ फैगौ घन्टाफोराव बांसिन अखा हानायखौ हमदाडो, जायजों बिबानगिरिफोरखौ सांग्रांथिनि थाखाय एलाट थानो बिथोन होनाय जादों।

पेहेलगामनि बिजाउन: दै स्ट्राइकनि उनाव भारतनि डिजिटल स्ट्राइक



गोदान दिल्ली, 28 एप्रिल: पेहेलगाम गाग्लोबनायनि उनाव भारत सरकारआ पाकिस्ताननि हेंथायै लान्थ्रियै गोखों एक्शन लागासिनो दड। आथिखालाव मदि सरकारआ आरो मोनसेबाव गोखों थांखि लायो। आथिखालाव मिरुआ पाकिस्ताननि माखासे गिदिर इउटुब चेंनेलखौ बेन खालामो। नख'र बिफाननि आर'ज गाबनायाव सरकारआ भारत, बिसोरनि साखि आरो रैखाथि

(सिसिएस) नि जथुम्मायाव भारतआ सिन्धु दै रादायखौ होबथानो थांखि लादोंमोन। गुबुन हादतयारि नेहाथारि भिक्रम मिस्त्रीआ भारतआ आथिखालाव सिन्धु दै रादायखौ होबथानो थांखि लायो। बे थांखिखौ भारत-पाकिस्ताननि सोमोन्दै जेंना बांनायखौ नोजोर होनानै लादों। बेजों लोगोसे सरकारआ पाकिस्ताननि नोगोरारिफोरनो सार्कनि गेजेरजों फोसावनाय गासै भिजानि रेहायखौबो होबथानो थांखि होदों। बेनि मावख'खौ

बन्द' खालामनायनि हाबाफारिखौ जागायबाय। मिरु सरकारआ पाकिस्ताननि रजथान्दैफेरखौ 48 घन्टनि गेजेरव भारत नागारनो बिथोन होयो। पेहेलगामाव थानाय 22 एप्रिलाव जानाय उतरखारिगाग्लोबनायाव सा 26 दाय गैयै सुबुंफोरा जिउ खोमानाडो। बेनि जननिफ्रयनो गासै हादतआव खुदिरांन्याय थासारि सोमजियो। बेनि उननिफ्राय भारतआ उतरखारिफोरनि हेंथायै गावसोरनि सोलोखान्थिफोरखौ गोखों खालामो।

कक्राझार, मंगलबार 29 एप्रिल, 2025

भारतनि बबे दैमाखौ बुड़ि गंगा मुडै मिबथिनाय जायो ?

जौनि भारत हादतआव गोबां दैमा–दैसा दं । बेफोर गुबुन गुबुन रोखोमै भारतआव गोबां बिहोमा होयो । भारतनि दैमाफोरनि जारिमिनाबो जोबोद गोजाम आरो गोसोआव लाथावबो । गोदो–गोदायनिफ़्रयनो दैमाफोरनि गोथार दैआ सान्त्र हयै सुबुंफोरखौ गोथार खालामबोगासिनो । सुबुंफोरबो गोदोनिफ़्रायनो दैमाखौ फुजा खालामबोदों । दंनायमानि गासैबो दैमाफोरानो गावबा–गावनि आलादा मुं दं आरो माबा मोनसे जाहोनाव बे मुछ दोनजानाय । नाथाय जौनि हादतनि दैमाफोरनि गेजेराव दोसेनि मुछ जादों बुड़ि गंगा । महाराष्ट्रनि त्रयंबकेश्वरनिफ़्रय ओंखारबोनाय गदाबरि दैमाखौनो बुड़ि गंगा होन्ना मिबथिनाय जायो । लोगोसेनो बेखौ खोलानि गंगा होन्नाबो



मिबथिनाय जादों । बे दैमाया महाराष्ट्र अन्ध्र प्रदेश, तेलेंगाना, छत्तीसगड़ आरो उरिष्याआव बोहैयो । महाराष्ट्रनिफ़्राय गदाबरिया गुबुन गुबुन राइज्योजों बोहैलानानै गुबुन दैमाफोरजों

लोगो नांना जोबथायाव सोनाब बंगनि लैथोनि बोरिमाजों बोहैलाछे ।बे दैमायानो भारतनि नैथि लाउसिन दैमा । गदाबरिनि दैमानि गासै गोलावआ 1,465 कि:मि: । महाष्ट्रयावनो

बयनिखुइबो लाउसिन बे दैमाया 765 कि:मि: गोलाव बोहैयो । बे दैमाया भारतनि गोथार दैमाफोरनि गेजेराव मोनसे, जाय 9.5 जौखोन्दो बाहागोआव गोसारना दं ।□

सैया-सैया खालामो अनजालुआ आंखौ

नै अनजालु नों आंखौ गोजाननिफ़्राय नुब्लानो, मानो एरा–एरा खालाम लाछे ? मानिबा गोरोन्थि बुंफ्लांदों नामा आंलाय ? ना माबाफोर दाय मावफ्लांदों नामा ? दिनै नों आंखौ गारनानै, गुबुनखौ लानो सान्दों नामा ? बिदिब्ला नों मानो आगोलाव आंखौ मोजां मोनामोन ? दाना मानो सैया–सैया खालामखो ? सानदोंमोन नामा नों आंखौ सान्नैसोनि, थाखायल’ मोजां मोनफ्लानो, आंखौ फाग्लिसो खालामनो सान्दोंमोन नामा नोंलाय अनजालु ? आं नोंखौ थैनानै थांब्लाबो नोंनि, महरखौ बावनो हानाय नछ । आंनि थायनै मेगनाव नोंनि, महरा जेब्लाबो साया–माया गेले फैबाय थागोन अनजालु । दाखालामसै नों आंखौ सैया–सैया ।

मुस्त्रिमा सबानि नार्जारी भिलेज– नर्थ कचुगाव दिस्त– कक्राझार ।

जाखोबा आंना अन्जालिया बबेनि,

बे सेंप्रा बैसोनि लामायाव दुंहावनाय दावदाब मोनसेनि लुबैनाय गोसोनि अरथायाव समजों गोरोबनानै दैदेनलानो फोलेर बाराय होलानो मोनसे थिथायाव आसा फारिनाय सिनायमोनै लाइजाम नेना थादोंमोन सिरि, । गोजोन्नाय लानो सान्दोंमोन गावखौनो मानसि हिसाबै गावदां अखाफोर बादि नुजाना गावनि सोरांजों गुबुनखौ हेफाजाब होनो । सान्दोंमोन बिबार बारिनि बिबारा गेवलांब्ला नहुरगोन, बेरे सिखिरि हांखायगोन । मिजिं लाना दिनै थिनानै दोननाय सनानि आस्ताम गोसोम दागोजों बुंफबहांबाय । थिना दोननाय रुपानि मेदेलआ बोरायहांबाय, नेनानै नोंखौ असिनाब्लाबो अन्जालि साननानै । बेखौनोथ’ नेबावबाय जाखोबा नों बबेनि थं मोनगोन साननानै ।

मुस्त्रि सुर्ज कान्त ब्रह्म जिला–बागसा

सिमांनि अन्जालि

बेसेबा गोबाव जाबाय नोंखौ नुयैया बेसेबा गोबाव जाबाय नोंनि महरखौ नुयैया जाखां फैयो नोछे सिमाझवल’ मानो ? सिमाझव नुयो आं नोंखौ गोदै गोदै रावजों राइज्लायनाय । सिमाझव नोंनि फाव फेसनखौ नुयोब्ला आंनि गोसोआ बोदोर जायो सिमांनि अन्जालि, नों मानो सिमाझवल’ नुजायो अनजालि आंनि सिगाझव मानो नुजानो हाया । जों सानैजोंदि सिमाझव बिबार बागानाव

आं हर गेजेरनि बारसे समायना बिबार मुंखौ बुछे बयबो आंखौ खारौ खान्दाय हरावनो थुफियो, हरावनो बारो आरो हरावनो सिरिफिनो । अनसाया आरो लुबैया रावबो आंखौ खोनासछे आंनि जिउनि जारिमिन, सान अखांनि सान राजाजों नेवसि जानाय आंदि बारसे समायना बिबार । नाथाय मिथिगौ दानखोमसि हरनि फुर्णिमा अखाफोर गावदांआ आंनि हार्सिंङै गाबनाय आरो मिनि फिन्नायखौ हांमानि खन्थाय लिरनाय, दाहानि सल’ लिरनायखौ बियो बुरखायो अनसायनायजों आंखौ फुंबिलि जारां सानजों रंजानो फागुन दाननि सुदेम बारजों मोसार्लानो नाथाय हायाखिसै आं निन्दा आरो मुं सुनायनि बे सोमखे मोखांखौ लानानै गावदां अखाफोरनि बोसोनखौ लाखिनो ।

मिस बनमि नार्जारी

जिउनि अनजालि

आंनि जिउनि मोदायजो गोर्बोनि अनजालि मोन जों । गेलेनाय नंछमोन आंनि नोंखौ मोजां मोननाया । दिनै नाथाय मानो ? आंनि गोर्बोनि गोथार अननायखौ नेवसिनानै नों नंखाय खालामखो ? नछमोन अनजालि बियो दसे समनि थाखाय; अराय समनि थाखायसोमोन । सिमांआवबो सानाखैमोन आं, नों अनजालिखौ गुबुनजों आनत्राय लांगोन होन्नानै । नाथाय जिनै नेवसिबाय नों अनजालिया गोर्बोनि गोथार अननायखौ । सानदोंमोन आं नों अनजालिखौ जीउनि खालामनो फैमाल नाथाय बे आंनि साननाय । होलांबाय नों अनजालिया गोसोआव हाजासे दुखु गालांबाय नों अनजालिया गोर्बोआव जुजायनि अर थांबाय नों..... जिउनि अनजालि ।

दैमा मसाहारी ला:सो:–हल्दुगाव जिला–कक्राझार, बि टि सि

गोदै गोदै राव राइलायोमोन, नों मानो नोंनि गोसोखौ सुखुया सुखुया खालामो अनजालि । सिमांनि अन्जालि, नोंनि रावआनो आंनि बेरे मोदै, नोंनि मोजां मोनायानो आंनि मोजां मोन्नाय नोंनि गोसोआनो आंनि गोसो, सिमांनि अन्जालि, सिमांनि राणि सिमांनि दाउ मैना ।

मुस्त्रि रिखां ब्रह्म गामि– थुरिबारी, ला:सो:– कमलसिं जिला– कक्राझार, बि टि सि

रंजालि गथ’फोरनि सौरा

सानबोलावरिया नोंनि

गोसोआ उगुल थुगुल सान्दों बाइसेप्रा बाथ्रा बिथा गैयै सानस्त्रिफोर देबोर नांनाय जिउना सानस्त्रि ।

आंनि लामाफोरा खेंच्चा खेंस्त्रि जानो हागौ सोरनियाबाबो बिदिनो थेवब्लाबो गावखौ गाव बुजिसिनोखाय बिदिनो मानसि नालाय सानस्त्रिफोरा बिरथिछे खर’ सा–सा ।

आं मोजां मोनो सोरबा सासेखौ गोसोआलाय बिदिनोखा नोजोर फोनांप्रा, नाथाय बियो हमदांआखै दिनैसिमबो आंनि इसारा आं गावनो दुखु जायो –बिखायाव सं दं सिरियै अन्नायनि लैथोमा ।

गलाप खुंगुर बसुमतारि कक्राझार ।

आंनि मेगननि फैसालिआव नों

मेगननि फैसालिआव हाबना थाबाय नों ! आंनि गोर्बों बिखायाव अरायनि थाखाय जायगा लादोंमोन रजे.....नों....., माबोरै बावनो हाबावनो आं नोंखौ सना ॥ बावनो नाजाबानो दाहानि निजोरायासो..... बोहैग्लायो जेब्लाबो जिउआव..... ॥। गोर्बों बिखा सिंखाव–सिंखाव बोहैदोंमोन, नोंनि अन्नाया आंनि लायमोन सोलेराव..... नोंनोथ’ जासि हरग्रोदोंमोन मोजां मोन्नायनि इसाराखौ आंनो मुलुग संसाराव दिनै..... नाथाय, दिनै मा सानखो नों आंनि अन्नाय आरो मोजां मोन्नाय नों अनसुला सनाआ..... ॥ थार मोजां मोन्नायखौ नंखाय खालामना.... गोथार अन्नायखौ नेवसि गारना खालाम लानोसै नामा नों आंखौ लामानि सासे अन्नायनि बिबायारि महराव... नों जुदि आंनि गोर्बों बिखायाव हांमा होलांबा जानानै थागोन आं..... नोंजोंनो नेवसि गारजानाय गोथे सालिनि सासे भुत जानानै थागोन आं जोनोमाव । बावनो सानबाय नामा नों आंखौ स.....ना ॥ दं खालि आंनि गोर्बों बिखायाव नोंनि ल’ अन्नाय दिनै....आरो थागोन अरायबो... ॥॥

थरायना राणी ब्रह्म ला:सो: दतमा । जिल्ला: कक्राझार ।

जाबाय आं दुथामि

आंनि जिउनि हाहाहोगिरि अनजालु आन्जालि, बिफा बिमाफोर गावसोरनि गोसो गोर्बोंआव हाजासे, गोथार मिजिं लानानै दोनहरदोंमोन, दिनै आंखौ टावन–सह’राव , स्कुल, कलेज फरायनो । बुरलु बुरला खालामनानै गावसोरनि बिखानि थैखौ दै खालामनानै, हरदोंमोन रोजा रोजा रां गावनि फिसानि नांगौ बादियै । नाथाय दिनै मोनथिया हसिया, सह’रनि गुदु बारजों बारफानानै गावनि सान्नाय हनायखौ सोलायबाय, बिफा–बिमानि मान–इजोदखौ बावगारबाय । लिरनाय–फरायनायआबो जाबाय लैथोनि दै दाहारआव गोजावनाय खोमस्लिफानफोरा बायदि थांखि गैयै । सानफ्रोमबो सह’रनि गेलायावल’, जौ, सिगारेट आरो थांखु सोबै –सोबै समखौ आं बारहोदोंमोन । गावनि जौमोनननि हाबिलासखौ सानहरनो सम आरो बोथोरआबो गैला आंहा, खालिबोल’ नांगौ –नांगौ–नांगौ जौ, जुवा आरो सिगारेट । गिनाय, लाजिनायआबो गोमा जोबबाय, लामा सामा सिख्ला सासेबो बारग’लिया.... हाय ! आं मादि मावफोनांखो.... थारैनो जाबाय आंबो सासे दुथामि ।

मुस्त्रि प्रफुल्ल नार्जारी ला:सो: – दतमा

खोन्दोसे लिमारिक खन्थाइ

गोदोनि रजे लोगो मोनबा गोसोखौ मोनखाछे बोरैबा जेराव दुखु मोननाय जेराव गाबफला लायनाय दुखुनि गुथाल गोसो खांबा

– रैदोम बर’

मानसि

“‘लाय होयोब्ला फाफ्लियाव बारखोयो आदर खालामब्ला बुरखायदों सानो गाहाम बोसोन होयोब्ला उल्टा मोखां जायो गाहाम मावना होयोब्ला सिमान लाया फोथायोब्ला खहा खालामो सुखुनि बाथ्रायाव मेगन सायो दुखुनि बाथ्रायाव खाबु नाइगिरो मोजां मोनोब्ला दावदाब दोनो गावनि जाफुंसारबोला जानगार लाछे मानसिनि जेसेबां मोनो एसेबां नांगौ दोहोन दौलतनि खांखुवा जाबाय गिदिरा उन्दैखौ गादबना जायो बोलोगोराआ बोलोगैयैखौ सेरथेयो’’ बे बादि आखुथायनि जानाया गाहाम ने ?

मंकर लाल बर’ तितागुरी

रुमिखौ हास्थायो आं

सोर नुदों सोर खोनादों आंनि दुखु दाहाखौ, दावप्त्रि दावसायासो साखि दं, नोंखौ सान्नानै हार्सिं हाला बिबार बारि–बारि बेरायला बायनायखौ नुनानै जरा– जरा बिदै सोबनो फैनाय सिखिरि सुबुंफोरा आंखौ मिनिलांबाय । नोंखौ आं गोसो गोथारजों मोजां मोनो नाथाय नोंनिफ़्राय अन्नाय मोन्नो लुबैयो आं, मानोनों गोसो हगार सारना होआ नों, नोंनि बेबायदि गोदै रावजों रायज्लायनाय फोरखौ लानानै जायो आं उसाव– बादाव, सोगॉनि अलंबार बायदि बेफोरखौ बावगार लांनांगौबा, आंनि गोसोआ हिमालय हाजो बायनाय बायदि बायनानै खाम्फा लुहैनो हायैबायदि आंनि मेगननिफ़्राय निजोरा बोहैगोन अनजालि । रुमिनों गुबुननि थाखाय हांगार फिथर ब्लाबो आंनि थाखाय स’ना फिथर । गावखौ बिबार बारि–बारि बेरायनायखौ नुनायखाय, आंनि गोसोआ गनायगोन सान्ना आंबो बिबार बारियाव बेरायग्लां बायो, नाथाय गावखौ नुवाबा गोसोआ गनाया, मोना बिलि समाव थाछे आं नोंनि लांगोनायाव आंखौ नेना थागोन सान्ना । नोंनि मिनिनायखौ नुयोबोला गोसोआ आंनि अखा मोफ्लामनाय बायदि मोनो । रुमिखौ हास्थायो आं अरायबो, लायजाम हरदोंमोन आं फिन्नाय मोनफिनासै, नाथाय.....बिबा सोरखौ हास्थायदों ?

गपाल रामच्रियारी जिल्ला: बाकसा (बि.टि.सि.)

नों रजेखौ

गोमोथाव नोंनि महरा रजे– जेबोला नोंखौ नुयो जेराव–मेराव जेबोला नों थाबाय लाछे दाव दिंखुर बायदि जेबोला नोंनि राव खोनायो दाव मैनानि गारां अबोला आंखौनो आं बावगोमा फ्लाछे । आंखौनो आं बावगोमा फ्लाछे ! मोन्नाय मोनब्ला नोंनि अन्नाय, आजावनाय मोनब्ला आंनि अन्नाय । हाबाब मादि माया गोनं नोंनि महरा ? बे नोंनि समायना सोलेर महरानो आंनि बोदोर गोसो सोलेराव सिखिरि जानानै बिरफाबाय थायोनों रजे–– आंनि जिउ सोलेरनि सेर–सेर । आंनि बोदोर जावलिया गोसोआ नोंखौल’ मोन्नो हास्थायसै रजे मा राहाजों मोनगोन इसिबां गोमोथाव महर गोनं नों रजेखौ ॥

मुस्त्रि सोर खुंगुर बर’ ला:सो: चन्द्रपारा, कक्राझार

बारहुंखाजों लोगोसे अखा हागोन दर 6 राइज्योफोराव



गोदान दिल्ली, 28 एप्रिल: भारतनि गुजरात, राजस्थान, हरियाणा, दिल्ली, सोनाब उत्तर प्रदेशआव गरम थासारिखौ नुनो मोनगासिनो दड। राजस्थानाव मेक्सिमाम बिदुडा 46 डिग्रीनि बेन्चमार्क खौ क्र स खालामखांबाय। गुजरातनि माखासे ओन्सोलफोराव बिदुडा 40 डिग्री बारे। हरियाणा आरो दिल्लीयावबो गोखों सान्दुजों दुखावनाय थासारि सोमजियो।

दिल्लीयाव समबाखालि बिदुडा 40-41 डिग्रीयाव थानो हागौ। बोथोर बिफानआ गरमजों भुगिनांनय सान्जा भारतनि बांसिन राइज्योफोराव बारहुंखाजों लोगोसे अखा हानायनि सन्देह फोरमायो। बिहार, सोनाब बंग, उरिष्याजों लोगोसे सा-सान्जानि माखासे राइज्योफोराव रबिबार खालिबो अखा खोरोमनायजों लोगोसे अखा हादोंमोन। बेजों गरमजों भुगिनांनय बे

राइज्योफोरनि सुबुंफोर इसे रेहाय मोनो। उरिष्यानि माखासे बाहागोफोराव बिदुडा 42-43 डिग्रीखौ बारदोंमोन। बारहुंखा आरो अखाजों बेयावनि सुबुंफोर रेहायनि हां बोदों। बिफानआ आसाम, मेघालय, बिहार, सोनाब बंग, सिक्किम आरो उरिष्यानि आलादा-आलादा जायगाफोरव गोबां अखा हानायनि सन्देह फोरमायो। टेकनिकेल रवआव बेखौ प्रि-मानसुन रेन बुंनय जायो। □

गोदान दिल्ली, 28 एप्रिल: पेहेलगाम हाजो सेरफांआव उतखारिफोरनि सुबुं बुथाएलुंनय जाथायाव ओन्सोलनि गोखों उतखारि लोब्बा थानाय सन्देह खालामनाया आथिखालाव रोखा जाबोगासिनो। मिबथिनो मोन्नाय बादिब्ला, सुबुं बुथाएलुंनयाव खमैबो साथाम ओन्सोलनि उतखारिफोरा गोखोडै लोब्बा दंफायोमोन। बेनिनो सेंथि मुडा गुरी बिजबेहारनि थागिबि बालि महाम्मद तकारनि फिसाज्ला आदिल हुसेइन तकार। बे उतखारिया गुरी बिजबेहारआव 1992 माइथायाव जोनोम मोन्दोंमोन आरो 2015 माइथायाव बियो डिग्री उथ्रिसारदोंमोन। लोगोसेनो 2018 माइथायाव रेहम्मद आलम फरायसालिमानिफ्राय



उर्दुआव एमएखौ पास खालामदोंमोन। बेनि उनाव आदिल हुसेइनआ सामसिपरार एमएमआइ गावआरि स्कुलआव फोरोंगिरि महरैबो खामानि मावदोंमोन। बेनि उनाव 2018 माइथायनि एप्रिल दानाव आदिलनि बिफाया बिजबेहारनि

पुलिस थानायाव गोमानानै दड होन्नानै एफआइआर होदोंमोन। बेनि उनाव संदानानै मिबथिनो मोन्दोंदि, आदिल हुसेइनआ उतखारि हान्जायाव हाबहैदों। बियो आइन बेरेखा हाथियारजों ट्रेनि लाहैनो थाखाय पिअकेआव हाबहैदोंमोन। बिनि अनगायैबो

पेहेलगामनि गाग्लोबनायजों लोब्बा थानाय नैथि ओन्सोलनि उतखारिया जादों बासुणा मेलहुरा। बियो जैनपरारनि थागिबि महाम्मद सफिदरनि फिसाज्ला आदान सफिदर। बिनि बैसोआ 20 बोसोर। बियो 2024 माइथायनि नभेम्बर

दानाव न'निफ्राय ओंखारलांदोंमोन। आदान सफिदरखौ 2024 माइथायनि एप्रिल दानाव एसअजि जैनापाराआव हमनो मोन्नाय जादोंमोनब्लाबो 15 साननि उनाव बिथांखौ उदां खालामदोंमोन। मख'नो गोनांदि, पेहेलगामनि जाथायाव लोब्बा थानाय ओन्सोलनि थामथि उतखारिनि मुडानो जादों- पुलबामा मुगनि थागिबि आबुल रसिद शेखनि फिसाज्ला आहशान उल हक शेक होन्नानै मिबथिनो मोन्नाय जादों। बेनि बैसोआ 22 बोसोर जाबायमोन। उतखारि हान्जायाव हाबनायनि सिगां बियो पुलबामा डिग्री कलेजआव फरायोमोन। बियो 2023 माइथायनि जुन दानाव न'निफ्राय ओंखारलांदोंमोन। □

भारत नागारै पाकिस्तानीफोरा साजा मोन्नांगोन

गोदान दिल्ली, 28 एप्रिल: मिरु सरकारनि फारसेनिफ्राय बिथा खालामनाय सम सिमनानि गेजेराव भारत नागारै पाकिस्ताननि नोगोरारिफोरखौ ग्रेप्टार खालामनाय जागोन आरो बिसोरनि सायाव के स सालायनाय जागोन। बे दायनि थाखाय बिसोर 3 बोसोरसिमनि जोबथेसालि एबा बांसिनै 3 लाख रंनि जुसिमाना नांनो हागौ। 22 एप्रिलआव पेहेलगाम उतखारि गाग्लोबनायनि उनाव सरकारआ पाकिस्ताननि नोगोरारिफोरनि थाखाय भारत नागारनायनि नटिस फोसावदोंमोन। सार्क भिजा बाहायगिरिफोरनि थाखाय भारत नागारनायनि सम सिमनाखौ 26 एप्रिलाव थि खालामदोंमोन। मेडिकेल भिजा बाहायगिरिफोरनि थाखाय सम सिमनाया 29 एप्रिल आरो मोन 12 थाखोफोरनि भिजा



बाहायगिरिफोरनि थाखाय सम सिमनाया 27 एप्रिलमोन, जेराव आगमनाव भिजा, फालांगिरि, सावथुन, खौरंगिरि, ट्रान्जिट, सम्मेलन, फरायसा, दावबायारि, धोरोम दावबायनाय बायदि भिजाफोरा दंफायो। थानाय शुक्रबारनिफ्राय सानथामनि गेजेराव सा 509 पाकिस्ताननि

नोगोरारिफोरा अटारी-वाघा बर्डार परस्टनि लामाजों भारत नागारखांबाय, बेयाव सा 9 राजथान्दैफोर दंफायो आरो बे समाव बे लामाजों सा 745 भारतआरिफोरा हादतआव फैखांबाय, जेराव सा 14 राजथान्दैफोरा दंफायो। बिबानगिरिफोरा फोरमायनाय

बादिब्ला, थानाय रबिबारखालि अटारी-वाघा बर्डार परस्ट लामाजों सा 237 पाकिस्तानी नोगोरारिफोर भारत नागारे, जेराव सा 9 राजथान्दै आरो बिबानगिरिफोर दंफायोमोन आरो 26 एप्रिलआव सा 81 आरो 25 एप्रिलआव सा 191 पाकिस्तानीफोरा भारत नागारदोंमोन। □

कयंबदुर, 28 एप्रिल: लेडाइ हादतगिरि जगदिप धनकडआ रबिबारआव बुडोदि, आबादारिफोरा दिहुन्थायनिफ्राय जौसिनाव गाखोनांगोन। माहारियारि आबाद एजेन्डानि थाखाय आदार रैखाथिनिफ्राय आदार जौगाखांनि फारसे आवगायनायनि सम फैबाय। रबिबारखालि तामिलनाडु आबाद मुलुगसोलोंसालि (टिएनएडु) आव मोनसे सेमिनार हाबाफारियाव बाहागो लादों। बेयाव राइज्यो बैंगिरि आरएन रबि आरो टिएनइडनि बिबानगिरिआबो दडमोन। टिएनइडआव जौगाखां भारतनि थाखाय आबाद-सोलोंथाय, इन्धेसन आरो उद्यगआरि बांहोनाय बायदि आयदानि सायाव फरायसाफोर आरो गुबुन सुबुंफोरजों बिबुंथि लाखिनायाव धरखडआ बुडोदि, भारतआव 46 जौखोन्दो सुबुं अनजिमाया



आबादजों लोब्बा गोनां। अब्लाबो बेयो बे ओन्सोलनि गासै नख'रि दिहुन्थायाव 16

जौखोन्दोल' बिहोमा होयो। बिब्दियाव टिएनएडु बायदि फसंथानफोरखौ आबाद

बिगियानगिरि डा. एमएस स्वामानाथननि बिरासतखौ आवगायहोलांनंगौ, जायजों गासै दिहुन्थायाव बे ओन्सोलनि बिहोमाखौ बांहोनो हायो। मुलुगनां थाखोयाव आबादिनि फोथाराव भारतनि बाश्त्रा बुनानै लेडाइ हादतगिरिया भास्तआ आथिखालाव आबाद दिहुन्थायफोरनि गिदिरि एक्सपर्ट होन्ना बुडो। मानोना भास्तआ गासै एक्सपर्टआव आबाद-फसल दिहुन्थायनि बाहागो 11 जौखोन्दोनिबो बांसिन। □

पाक गाहाइ मन्थि शहबाजखौ बिदा नवाज शरिफआ भारतजों दावहा नांनयनिफ्राय जानगाराव थानो बोसोन होदों

इस्लामाबाद, 28 एप्रिल: फारसे थिं पाकिस्ताननि दैदेनगिरिफोरा भारतजों दावहा नांनो थाखाय थियारि जागासिनो दड। बेरा फारसे, पाकिस्ताननि खेबथाम पिएम आरो शहबाज शरिफनि देरसिन बिदा नवाज शरिफआ गावनि फंबायखौ दावहा फारसे आवगायैनि बोसोन होयो। नवाजआ गावनि फंबाय आरो पिएम शहबाजखौ रोखायै बुडोदि, भारतजों लोगोसे दावहा नांनो आवगायनो नाडा। बबेखांनि सोलोखांन्थि आजावना लानानै जेनाखौ खम खालामनांगौ। पाकिस्ताननि दैदेनगिरिफोरा भारतनि हेंथायै बिबुंथि होनायनि गेजेरजों नवाज शरिफनि फारसे बे बोसोनखौ होनाय जायो। गाहाइ मन्थि शहबाज शरिफआ रबिबारखालि पाकिस्तान मुस्लिम लीग-



नवाजनि आफादगिरि नवाज शरिफनो एनएससिनि जथुम्मायाव लानाय थांखिफोरनि सोमोन्दै खौरं होदों। बेयाव पान्जाबनि गिबि मन्थि मरियम नवाजआबो बाहागो लादोंमोन। बे जथुम्माखौ भारतनि गेजेराव सिन्धु दै रादायखौ सास्पेन्ड खालामनायनि उनाव लिंदोंमोन। भारतआ पेहेलगाम उतखारि गाग्लोबनायनि उनाव बे गोखों थांखि लादोंमोन। शहबाजआ

पेहेलगाम गाग्लोबनाया भारतनि नंखाय ड्रामा होन्ना दाबि दैखांदों, जायनि थांखिया ओन्सोलाव गोजोन गैयै थासारि गोसार होनाय। बेनि सिगां सानाव रैखाथि मन्थि खवाजा आसिफआ भारतखौ बे जाथायखौ नायबजिस्तो थाखाय जुथाय राइज्यो आमेरिका, इरान, चीन, रसिया आरो ब्रिटेननि बिबानगिरिफोरजों लोगोसे मोनसे हासियायारि आयग दानो थांखि होयो। □

जालायदों

रोखा खालामनो थाखाय थांदोंमोनदि, मोनैबो हान्जाया गावजों-गाव लाजिनांथाव बिबुंथि होनाय समाव जानगाराव थानांगौ। बेनि उनाव ब्रिटिश भारतआरि हान्जाफोरनि गेजेरजों 22 एप्रिलनि उतखारि गाग्लोबनायजों भुगिनांन्याफोरखौ गोसोखांनो थाखाय पिकाडिली सर्कसआव ममबाति सावयो, जेराव सा 26 सुबुंफोरनि जिड गोमायो। □



लन्दन, 28 एप्रिल: लन्दनआव पेहेलगाम गाग्लोबनायखौ लानानै हेंथा होनाया

सोलिगासिनो दड। लन्दनआव थानाय भारतआरि फोलेर आरो गुबुन हादतआरि थान्दैफोरनि

हान्जाया पाकिस्ताननि धर्नाजों जुजिनो थाखाय भारतआरि हाइ-कमिशनआव जमा जायो,

सा 500 जवान आरो सा 100 अफिसारफोरा साखि नागारबाय! भारतनि सोगोमथिखौ गिनानै पाक सान्थियाव गुलाय-गुजाय

गोदान दिल्ली, 28 एप्रिल: पेहेलगाम गाग्लोबनायनि उनाव भारतनि गाग्लोबफिनायनि जाथावनाखौ लानानै थोर थोर गिखांदों पाकिस्तानआ। बेनि थाखाय जायखि-जाया थासारिजों मोगा-मोगि जानो सांग्रां खालामदों पाक सान्थिफोरखौ। फारसे थिं साग्रिद जानो खावलायदोंब्लाबो गुबुन फारसे थिं सान्थि हान्जायाव गुलाय-गुजाय हालोद सौफैनायनि खौरांबो ओंखारदों। खौरांनि बादियै दासान्दि सान्थि गाहाइ मुनिरनि हेंथायै उखाइखांदों पाक सान्थि हान्जायाव। थासारिया एरेबादि महर लादोंदि-मुनिरआ बिबान एंगलायाब्ला बिथांनि हेंथायै पाकिस्तानी सान्थि हान्जायाव बिग्रायखांनय फैनो हागौ। सुलुंनि बादिब्ला- दासिम सा 100 सान्थि बिबानगिरि आरो सा 500 जवानफोरा बिबान एंगलायबाय। बिबान एंगलायनायनि जाहोनखौ गोसोयारि नासिन्थाय आरो देहानि लोमजानाय लोबांथि होन्नानै दिन्थिनाय जादों। मुनिरनि हेंथायै

बिग्रायनायफोरनि गेजेराव कर्नेल, मेजर आरो केप्टेन थाखोनि बिबाननिफ्राय लानानै जवानफोरसिम। भारत-पाक सिमनानि रैखाथि बिबानाव थानाय 11 नं करनि लेप्टेनेन्ट जेनेरेल उमर आहमेद बुखारिनि पाक रैखाथि मिनिस्ट्रिसिम लिहरनराय लाइजामनिफ्राय सान्थि बिबानगिरि आरो जवानफोरानि बिबान एंगलायनाय जाथाया सोराडव फैदों। जेनेरेल बुखारिआ लिस्नाय लाइजामा दहमैनो भाइरेल जादों। सुलुंनि बादिब्ला, भारतजों फिन दावहानि थासारि फैनो हागौ, बे सान्नायखौ लानानै गिखांनयनि थाखायनो पाक सान्थियाव गुलाय-गुजाय थासारि सोमजिनायखौ नुनो मोन्नाय जादों। बे थासारिया सोलिबाय थायोब्ला इयुनाव मा महर लाहैगोन बेखौ सान्नानै सोलाय-सोल' खालामनायनि राहा लायोब्लाबो सान्थिफोरनि गेजेराव गात्रि मोनलायनाय सौफैदों होन्नानैबो सुलुंआव मख'नाय जादों। □

वाशिंग्टन, 28 एप्रिल:

आमेरिकानि हादतगिरि महरै नैथि खेब बिबान सामलायनाय डनाल्ड ट्राम्पआ व्हाइट हाउसआव 100 सान आबुं जाबाय। बिथाड आमेरिकानि ओरैबादि हादतगिरि, जाय टेरिफ वार जागायदों। आमेरिकानि गुबुन हादतआरि मदतखौ खमायदों। नाट' मदतगिरिफोरखौ सोंखारिदों, इउक्रे नाव गाग्लोबनायखौ लानानै रासियायनि नोजोर होनायखौ गनायथिदों आरो ग्रिनलेन्डखौ आमेरिकानजों बुजाबफानाय, पनामा जाम्फैखौ



लाफिन्नो, कानाडाखौ आमेरिकानि 51थ राइज्यो खालामनायनि हाबिला बुंथिदों। बेनि गेजेरजों बिथाडा 100 सानावनो मुलुगनि बेबस्थानि माखासे बाहागोखौ गुलु-गुजुबो

खालामदों, जायखौ आमेरिकया गावनो नैथि मुलुग दावहानि उनाव दानायाव मदत खालामदों। सिगांनि आमेरिकान सरकाराव इरान आरो भेनेजुयेलायाव जर'खा

आमेरिकान थान्दै थिसजानाय इलियट अब्राम्सआ बुंदों, ट्राम्पआ 8 बोसोर सिगांनिखुइबो बांसिन अखा जाबाय, जायखौ बिथाडा सोमोनांदों। ट्राम्पआ नैथि खेब खुंथाय गोहोयाव फैनानै आमेरिका फास्ट एजेन्डेआ लोगो हादतफोरखौ आलादा-आलादा खालामदों आरो बेरेखाफोरखौ थुलुंगा होदों। बिथांनि थांखि लानायफोरा माखासे सरकारफोरखौ ओरैबादि जिंगायाव खोलैदोंदि, बिसोरो सिगांनि थासारियाव फैफिन्नाया जोबोर गोब्राब जानो हागौ। □

6

बिलाइ

कक्राझार, मंगलवार 29 एप्रिल, 2025

(□ 1 बिलाइनफ्राय)

बासबारि दख'रा बर' समाज आफादआ मेट्रिक आन्जादआव सेथि आरो नैथि थाखोआव उथिनो हानाय फरायसाफोरखौ बरायदों

बरायजानाय फरायसाफोरनि गेजेराव दं फारियै- अदिति ब्रह्म, जुमिनता ब्रह्म, बरणालिचा ब्रह्म, सुजिता ब्रह्म, अनसाइ ब्रह्म आरो मुसुखा बसुमतारि लोगोसे फुंखा ब्रह्म धीराज बिथांमोनखौ गांफा-गांफा आर'नाइ आरो कलम गंसे-गंसे होनानै बरायो। मख'नो गोनांदि, बे बरायनाय हाबाफारिखौनो मासि लाना सामलायो बासबारि दख'रा बर' समाज आफादनि गाहाइ नेहाथारि धीरेन्द्रनाथ ब्रह्म बिथांआ आरो हाबाफारियावनो आलासि महरै बाहागो लाफैयो पर्वतझरा जिल्ला बर' समाज आफादनि आफादगिरि सम्राट हाजवारीआ। बिथाङ गावनि बिबुंथियाव फारायसा फरायसुलिफोरखौ थांखिनानै बुङेदि, दानि जुगाव सोलोंथाइ गैयाब्ला नॉनि जिउआ खोमसि, मानो होन्नानै बुङेबा सोलोंथाइया जॉनो सोरां होयो, जॉनि फरायसुला-फरायसुलिफोरा फरायनाय समाव जौ, जुवा, फेग्रा मुवानिफ्राय जानगाराव थानांगौ। सासे फरायसानि थांखि आरो नोजोरा गोराब्ला बै फरायसानि थांखिया सानसे जैरैब्लाबो जाफुंगोन होन्नानै बेफोर गोनां-गोनां बाश्राफोरखौ फरायसा फरायसुलिफोरनि सिगाङव गुवारै फोरमायनानै होलाङे पर्वतझरा जिल्ला बर' समाज आफादनि आफादगिरि सम्राट हाजवारिआ। लोगोसे बे हाबाफारियावनो बाहागो लानानै बासबारि गुदि बर' थुनलाइ आफादनि गाहाइ नेहाथारि लक्ष्मिनाथ ब्रह्म आबो फरायसाफोरजों लोगोसे दिथागिरि फोरनिसिम बुङेदि, जॉनि फरायसाफोरा जेखौ सानो बेखौनो मावनो हायो, फरायनाय समाव जॉनि दिथागिरि बिमा – बिफाया गावनि फिसाखौ नोजोर होनांगौ। दिनैनै जुगा बादायलायनाय जुग, दिनैनै फरायसायानो गोबोननि हादरगिरि जानो हायो, बेफोर गोनां-गोनां बाश्राफोरखौ फरायसा आरो दिथागिरिफोरनि गेजेराव गुवारै फोरमायनानै होलाङे। लोगोसे बे हाबाफारियाव बाहागो लाबावयो बासबारि गुदि बर' थुनलाइ आफादनि लेङइ नेहाथारि सुग्लाइसा ब्रह्म आरो लोगो आफादगिरि थेकेन्द्रनाथ ब्रह्म बिथांमोनजों लोगोसे मालटिझरा गामिनि-गामिगोरा आरो बन्यागुरि गामिनि-गामिगोरा बिथांमोननि बाहागो लानायजों बासबारि दख'रा बर' समाजनि फारायसा-फरायसुलिफोरखौ बरायनाय हाबाफारिया मेहेरगोनाङैजोबनानै थाङे।□

फैगौ बि टि सि बिसाइख'थियाव इउ पि पि एल दोलोआ 25 निफ्राय 27 मासिआव देरहागोनः ङ्क सांग्रां ब्रह्म

एलआ दिनै मोनसे मावफुं सावराय जथुमजों लोगोसे वार्कशप हाबाफारि लानाय जायो। बिनद राजा बर'नि मेल सामलायनाय बे सावराय मेलआव गाहाइ आलासि महरै बाहागो लायो मिरु लाइमोन इउ पि पि एलनि गाहाइ नेहाथारि ङ्क सांग्रां ब्रह्मआ। बे हाबाफारियाव बाहागो लानानै बिथाङ लाइमोन हान्जानि सिगाङव दोलोनि खामानि मावनाय आरो फैगौ बिसाइख'थिखौ लानानै मेहेर गोनां बिबुंथि लाखिनायखौ नुनो मोनो। लोगोसे बिथाङ खौरां बिजॉनि गेजेरजों इउ पि पि एल दोलोआ बिसायख'थिनि थाखाय सिगांनो थियारिखा। बेनि थाखाय सिं थाखोआव गोखों खामानि मावनायाव सोलिगासिनो दं आरो नायबिजिरनाय बायदियै फैगौ बिसाइख'थियाव इउ पि पि एल दोलोआ मोन 25 निफ्राय 27 मासिआव देरहाना हरसिडैनो सरकार दागोन रोखा होन्नानै दाबि दैखाङे। लोगोसे जिल्ला इउ पि पि एल दोलोनि आफादगिरि बि. खैरोम दैरोमआबो बाहागो लानानै खौरां बिजॉनि गेजेरजों मुसलपुर जिल्लानि सिङव मोनब्रै बियाबावबो देरहा जोबनो थाखाय खामानि मावनाया थाद'नाय गैयै सोलिगासिनो दं होन्नानै फोरमायो। जिल्ला लाइमोन गांखनि आफादगिरि बिनद राजा बर'आ खौरां बिजॉनि गेजेरजों फैगौ बिसाइख'थिनि थाखाय मुसलपुर लाइमोन हान्जाया थियारि। प्रमद बर' दैदेन्नाय बि टि सि सरकारआ बि टि आर ओन्सोलआव थानाय लाइमोनफोरनि थाखाय सोलोंथाइ आरो गुबुन गुबुन गोबां बिथिंआव जौगानाय खामानिफोर मावदों, जायनि जाहोनाव गोबां लाइमोनफोरानो दिनै बिथांखौ फोथायदों आरो मदद होनो सिगां बोदों होन्नानै फोरमायो। बे हाबाफारियावनो 25 नं बागानपारा बियाबनि एम सि एल ए एबा बिटिसि आयेन आफादनि बुंथिगिरि कातिगम बर', मुसलपुर जिल्ला इउ पि पि एलनि आफादगिरि बि. खैरोम दैरोम, नेहाथारि दयाल शरनिया, इउ पि पि एल दोलोनि मिरु मावफुं सोद्रोमा हितेश बसुमतारि बिथांजों लोगोसे गोबां लाइमोनफोरखौ बाहागो लानायखौ नुनो मोनो।□

भारत-भुटान सिमना ओन्सोलाव रंजालि बैसागु फोबों फालिदों

फालिनाय जादों। मख'नो गोनांदि, भारत-भुटान सिमना ओन्सोलनि सरलपाराव बेखौ लोब्बा लानानै खुंनाय नैथि बैसागु फोबोंआव बर', राभा, गार', आदिबासि, गखां आरो कच राजबंसि हारिनि दोरोङ्गरि सुबुं मोसानाय-देंखेओ मोनसे गाव गोनां हारिमुआरि हाबाफारि महर मोन्दों। फारसेथिं, फोबोंआव न'सुंसे हादत भुटाननिफ्राय 'बिफा' नि सा 8 थान्दै हान्जाया बाहागो लाफैदों। भारत-भुटान फ्रेन्ड्सिप एससिएसन एबा बिफानि गाहाइ नेहाथारि दाबा पेन्जरआ बाहागो लाफैनानै गावखौनो रंजाखंनाय मोन्दांथिदों होन्ना बिटिआर सरकारआ दरनै हादतनि सिमना ओन्सोलाव बैसागु फोबों खुंनानै भारत-भुटाननि लोगोयारि थासारिखौ जोबोद गोखों खालामगोन होन्ना मिजिंथियो। बिफानि गाहाइ नेहाथारिया खौरंगिरिफोरनि सिगाङव भारतनि जम्मु-काश्मिर पेहेलगामाव उतखारिफोरा इनायै सा 26 दाय गैयै सुबुंफोरखौ गुलि गावना बुथारनाय जाथायखौ गोखों रावजों सोंखारिदों। बिथाङ बुंदोंदि, भारतआव उतखारिनि बेबादि खामानिया अन्साय जाया आरो उतखारिफोरनि बेबादि सोमोनांहोनाय खामानिखौ भुटानआ माब्लाबाबो हेफाजाब होया। नाथाय भारतआव पेहेलगामनि जाथाया दुखु मोनहोदों होन्ना बिथाङ बुङे। भुटान हादतआ दरसे गोजोनखौ हास्थायग्रा हादत। बे बिथिङव न'सुंसेनि हादत भुटानआ उतखारिफोरखौ माब्लाबाबो रेहाय होया। भारतजों भुटान हादतनि सोमोन्दोआ मोजां। मुगानाङैनफ्राय बे सोमोन्दोआ थि थादों होन्ना दाबा पेन्जरआ मख'दों। बिथाङ दरनै हादतनि आरिमु-हारिमुनि गोरोबलायनाय सान्नाय-हनाया लोगेनि थासारिखौ गोखों खालामगोन होन्ना बुङे। भारत-भुटान सिमना ओन्सोलनि सरलपाराव मिथिंगाथारि समाइना थासारियाव दिनै खुंनाय आंगोनि रङलि बिहु एबा रंजालि बैसागु फोबोंआ गोरोबलायनायनि मोनसे आगोमा बिदिन्थि दिन्थिदों होन्ना बिटिआर सरकारनिसिम साबायख'र बाउयो। हाबाफारियाव जायगानि एमएलए लरेन्स इस्लारी, इउपिपिएलनि गोदान दैदेनगिरि खाम्फा बरगयारी, बिटिआरनि मावफुं सोद्रोमा दावबायसा बर', सायङ्क बसुमतारि आरो एमसिएलए रेक्वेवा नाजिंहारि आरो इउपिपिएलनि दैदेनगिरि अशक गयारीजों लोगोसे सिमना ओन्सोलनि माखासे राइज्यो-राजाफोरा बाहागो लाफैदों।□

भवानिपुर-सरुपेता जिल्ला परिषद बियाबआव जुथाय दोलोनि विजाथिनि जानानै विसायख'थियारि मेल खुंदों

बिसायख'थिनि मेलाव बुङे। बिजेपिनि दैदेनगिरि किशर कुमार डेकाआ सामलायनाय बिसायख'थि मेलाव भवानिपुर बिधान सभा बियाबनि एमएलए पनिधर तालुकदारआ बुंदोंदि, आसामाव कंग्रेसआ गैयै जागोन। भवानिपुर बिधान सभा बियाबआवबो कंग्रेसनि रोदाखौ बुखुगोन। पन्सायत बिसायख'थियाव भपानिपुर-सरभग बिधान सभा बियाबआव गंसेबो जिल्ला परिषद आरो आन्सलिक पन्सायतआव कंग्रेसआ देरहानाय नङ। मेलाव बिजेपि दोलोनि आसाम राइज्यो आफादनि गाहाइ बुंथिगिरि मनज बरुवाआबो बाहागो लाफैनानै बुंदोंदि, आसामाव जुथाय दोलोनि हेंथायै बे खेबनि पन्सायत बिसायख'थियाव जायखि जाया बेरेखा गोहो गैया। बेरेखा दोलोआ गोहो गैयै राइजो-राजाफोरा गिबि मन्थि ङ्क हिमन्त बिश्व शर्मानि दैदेन्नाय सरकारनि जौगाखांनायनि थाखाय जुथाय दोलोनि बिजाथिनो भट होनो थियारियाव दङ। मेलाव भवानिपुर बिधान सभा बियाबनि बारग' एमएलए मनरन्जन दासआबो बिबुंथि लाखिदों। मन्थि रन्जित कुमार दास, एमएलए पनिधर तालुकदार, बिजेपिनि राइज्योआरि बुंथिगिरि मनज बरुवामोनहा दिनै भवानिपुर-सरुपेता जिल्ला परिषद बियाब जुथाय दोलोनि बिजाथि अरबिन्द बर्मन आरो कलबारि गामि पन्सायत आन्सलिकनि सोद्रोमा मासिनि बिजाथि दिपान्जलि दासनि जानानै गुबुन गुबुन जायगायाव गोखोंथार बिसायख'थि फोसावदिंदों।□

दावहा

जादोंसैं हनै
बर' हारिनि गेजेराव
गावजों गाव दावहा।
बिसोरबो बैसोखौ
नायनो हालिया
बैसोरबो बिसोरखौ
नायनो हालिया जादों।
बर' हारिनि गेजेराव
गावजों गाव दानलाय-सुलाय
मानि थाखाय मानि जाहोनाव
सोरखौ लानानै
बर' हारनि गेजेराव
गावजों गाव हारिजों हारि
दावहा जादों।
नोंबो बर' हारि
आंबो बर' हारि
मानो जानांगौ
गावजों गाव दावहा।
दावहाखौ त्राब गारनानै
हारिखौ गोजौ दैखानो
खौसे जादो।
बिदा-फंबाय बायदि
अनलायनांगौ।
दुखुखौ गारनानै
सुखुखौ लाबो नांगौ।
बर' हारिया खौसे जायाब्ला
गुबुन हारिजों नाखेब जागोन,
मुगै जागोन आरो मिनि जागोन।
बेनि खायनो बर' हारिया
गुबुन हारि बायदि खौसे जानांगौ।
बर' हारिया जेब्लाबो खौसे जादों।

मिथिसार नाजारी गामि- चितनागुरी।

(□ 1 बिलाइनफ्राय)

आसाम आइन आफादनि बुंथिगिरि बिश्वजित दैमारिआ सानसेयावनो गोबां बिथांखि बेखेवदों

दाब जायगायाव आसाम आदर्श गामि बिथांखिनि गेजेरजों गोबांथार जौगालु खामानिफोर फारियै- बरजला एलपि स्कुलनिफ्राय नारायण डेकानि न'सिम सिसि ब्लक लामा (आद्रा थानाय)खौ लुफुंनायनि अन्थाइ खामफा, बरजला गामियाव सलार पावार स्ट्रीट लाइट गायसन्नाय, ग्रीन रुमआव सा 300 सुबुंफोरनि जखाथिनि मोनसे हारिमुवारि जौसां लुफुंनाय, बिमला शर्मानि न'निफ्राय बिष्णु डेकानि न'सिम ड्रेन लुफुंनाय, बरजला गामिनि जगनाथ ताननि साखाथियाव चिलट्रेन पार्क लुफुंनाय, बिष्णु डेकानि न'निफ्राय रमेन शर्मानि न'सिम ड्रेन लुफुंनायनि थाखाय अन्थाइ खामफा गायसन्नायखौ बेखेवनानै होयो आसाम आइन आफादनि बुंथिगिरि बिश्वजित दैमारिआ। बिथां दैमारिनि नाजानाय आरो हेफाजाबजों गोजौआव मख'नाय गासै बिथांखिफोरा मावफुं जागोन आरो बे बिथांखिफोरा मावफुं जानायनि गेजेरजों ओन्सोलाव जौगानाय आरो राइजो-राजाफोरनि मुलामफा गोनां जागोन। मख'जाथावदि, आसाम आइन आफादनि बुंथिगिरि बिबान रुजुन्नानै आइन आफादआव गोङ्खेङ्गे खामानि मावनायजों लोगोसेनो गावनि बियाब आरो गुबुन गुबुन बिधान सभा बियाबफोरावबो बिश्वजित दैमारिआ गोबां कौटि-कौटि रानि बिथांखिफोर मावफुंगासिनो थानायखौ नुनो मोन्दों।□

बड'लेण्ड जानैलिस्ट एससिएसननि 5थि नै बोसोरारि जथुम खुंदों

गसाइगावनि एमएलए जिरन बसुमतारिआ सुंद' बिबुंथि होनायजों गेवलां मेलनि जथुम्माखौ बेखेवना होयो। बिटिसिनि गाहाइ मावफुं सोद्रोमा प्रमद बर'आ गाहाइ आलासि महरै गेवलां मेलआव बाहागो लाफैदों। बिथाङ गावनि बिबुंथियाव खौरंगिरिनि बिथिङव गोदान मुगानि बिरोंदामिन बाहायनायनि बिथिङव जर'खायै मुलुगनां थासारिनि जेंना सुसांनायनि आयदाखौ लानानै गोनांथि होनो खावलायो। बिथाङ लोगोसे खौरंगिरिफोरनो गावसोरनि खामानि मावनाय बिबानखौ फालिनायाव हेफाजाब होगोन होन्नानै बाश्रा होयो। असमीया सप्ताहयारि 'असम बाणी' नि सुजुगिरि दिलिप चन्दनआ थांखिजानाय महरै बिबुंथि लाखिदों। बिथाङा खौरंगिरिफोरखौ थि बिथोन होनानै मावफुंलांनायनि गोनांथिखौ मख'दों। बिथाङा आथिखालनि खौरांगिरिनि बिथिङव सोलायथायनि सोमोन्दै बुंदोंदि, इलेक्ट्रनिक खौरां बिजोङा सेबखंनाय बिजोंखौ इसेब्लाबो खहा खालामदों, मानोना सुबुंफोरा आथिखालाव खौरां आरो बिबुंथिखौ जोबोद गोखैनो मोनो। थेवब्लाबो बिथाङ रोखायै बुंदोंदि, सेबखंनाय बिजोङा माब्लाबाबो गोमोरनानै थाङ। गेवलां मेलाव मिरु इउपिपिएल दोलोनि दैदेनगिरि जिएस राजु नाजारी, गसाइगाव नोगोर आफादनि आफादगिरि अनिनद्य बसुमतारि, आगुनि आफादगिरि ध्रुब कुमार ब्रह्म नाजरी, फोरमायथाय आरो सुबुं फोनांजाब बिफान (बिटिआर) नि सिएइसडि जाहिद आहमेद ताफादार आरो एमसिएलए आरो सिइएमनि राजखांथियारि नेहाथारि माधब चेत्रिमोनजों लोगोसे माखासे जर'खा सुबुंफोरा बाहागो लाफैदों।□

सा 71 मख'जाथाव सुबुंफोरनो पद्म बिभुषण, पद्म भुषण आरो पद्मश्री बान्थाखौ गथायबाय

पद्मश्री बान्थाखौ गथायबाय। हादतगिरि द्रौपदि मुरमुनि आखायनिफ्राय दिनै गोदान दिल्लीआव ङ्क अनिल बर'आ बे सनमान गोनां बान्थाखौ आजावो। मख'नाय जायोदि, गुवाहाटी मुलुग सोलोंसालिनि फक्तर बिफाननि गाहाइ बिफानगिरि ङ्क अनिल बर'आ सोलोंथाइ आरो थुनलाइनि फोथाराव खामानि मावनानै बेसेन गोसा बिहोमा होबोनायनि थाखाय हादतनि बे जौसिन थाखोनि सनमान गोनां पद्मश्री बान्थानि थाखाय सायख'जानो हादों। ङ्क अनिल बर'नि अनगायैबो गुबुन गोबां गेदेमा सुबुंफोरनो बे सनमान गोनां बान्थाखौ गथायनाय जायो। हादतनि देरसिन सनमान गोनां समाजआरि बान्था पद्म बिभुषण, पद्म भुषण आरो पद्मश्री बान्थानि थाखाय सायख'जानो हानाय गुबुन गुबुन फोथाराव खामानि मावनानै बेसेन गोसा बिहोमा होनो हानाय हादतनि गासै सा 71 सुबुंफोरनो दिनै बान्थाखौ गथायबाय। समबारखालि राष्ट्रभवननि भव्य दरवार हलआव दिनै मोनसे हाबाफारि खुंनायनि गेजेरजों हादतगिरि द्रौपदि मुरसुआ 2025 माइथायनि थाखाय सायख'जानाय सा 71 गेदेमा सुबुंफोरनो पद्म बिभुषण, पद्म भुषण आरो पद्मश्री बान्थाखौ गथायनानै होयो। दिनैनै बे बान्था गथायनाय हाबाफारियाव लेङाइ हादतगिरि जगदिप धनकङ, गाहाइ मन्थि नरेन्द्र मदि, मिरु नख'र मन्थि अमित शाहजों लोगोसे मिरु सरकारनि गोबां दैदेनगिरिफोरा बाहागो लाफादोंमोन। मख'नाय जायोदि, सोलिफु बोसोरनि सुबुंखांन्थि सानआव मिरु सरकारआ गासै 139 सुबुंफोरनो पद्म बान्था होनो फोसावदोंमोन। बेनिनो सिगां खोलोबआव साब्रै पद्म बिभुषण आरो सा 57 नो पद्मश्री बान्थाखौ होनाय जादों। मख'नाय जायोदि, दिनैनै बे हाबाफारियाव आरिमु, हारिमु, फाहामथाइ, गेलेमु, दारिमिन आरो थुनलाइ फोथारखौ लाफानानै गुबुन गुबुन बिथिङाव बेसेन गोसा बिहोमा होनो हानाय गेदेमा सुबुंफोरनो बे सनमान गोनां बान्थाखौ होनाय जादों। मख'जाथावदि, बे खेबआव बान्था देरहागिरिफोरनि गेजेराव सा 23 आइजोफोर दङ। दिनैनै बे हाबाफारिनि गेजेरजों बान्था आजावनाय गेदेमा सुबुंफोरा जाबाय फारिय- पद्म बिभुषणआव सुजुकि मटर कपरिसननि बारग' गाहाइ असामु सुजुकि, बायलेन दामगिरि लक्ष्मी नारायण सुब्रभणियाम, गेस्ट्रएन्टरलजिस्ट ङ्क नागेश्वर रेड्डि, मल्यालम लिरगिरि आरो फिल्टम दिहुनगिरि एमटि बासुदेब नायर। पद्म भुषन बान्था मोन्नो हानाय फारियाव दङ- नन्दमुरि बालकृष्ण (हारिमु), बिनद कुमार धाम (बिगियान आरो इन्जिनियारिं), सुशिल कुमार मदि (समाज सिबिथाइ), शेखर कापुर (हारिमु), पिआर श्रिजेश (गेलेमु), एस अजित कुमार (हारिमु), पंकज पाटेल (फालांगि आरो दारिमिन), पंकज उदास (हारिमु), राम बाहादुर रय (थुनलाइ), साध्वी ऋतभरा (समाजआरि मावथि), लिबिया लब सरदेसाइ (समाजआरि मावथि), डा: बिजय लक्ष्मी देशमाने (देहा फाहामथाइ), ङ्क सत्यपाल सिं (गेलेमु), भाइ हजिन्दर सिं (गेलमु), भिमाब्बा डङ्गुबलप्पा शिलेक्यथारा (हारिमु), जासभिन्दर नरुला (हारिमु), स्टेपन नेफ (थुनलाइ आरो सोलोंथाइ), गनेश्वर शाफित्र द्राभिङ, ऋदय नारायण डिकिस्ट (थुनलाइ आरो सोलोंथाइ), रबिचन्द्रन आस्वीन (गेलेमु), शेका आलि अलजाबर अलसाबा (फाहामथाइ), अरुनदती भताचार्य (फालांगि आरो दारिमिन) आरो पवन कुमार गयेन्का (फालांगि आरो दारिमिन)।□

मिथिंगा अनफावरि बिष्णु बसुमतारिनि बाख्यायथाव खामानि

हगारनानै जायो। मख'नाय जायोदि, बिष्णु बसुमतारि बिथाङ गोबाव समनिफ्रायनो सुक्लाय सेरफां दख'रा दुलाराय बर' फरायसा आफादनि बारग' आफादगिरि आरो आथिखालाव सुक्लाय सेरफां दख'रा दुलाराय बर' फरायसा आफादनि बोसोनगिरि महरै बिबानाव दं। बिथां बिष्णु बसुमतारिआ दैसायाव ना फुवान हगारनायनि गुबै थांखिखौ फोरमायनानै होयोदि, सिगां समफोराव नाउबान्दा दैसायाव गोबां ना मोन्नो हायोमोन आरो बे नाखौ फान्नानै गोबां गोरिब थाखोनि नख'रफोरा नख'र सुंथाबोनो हादोंमोन। नाथाय आथिखालाव नाउबान्दा दैसायाव गोबां जाहोननि थाखाय ना मोन्नाया खम जाबोबाय होन्नानै फोरमायो। बे दैसायाव ना मोनैनै जाहोनखौ बिष्णु बसुमतारि फोरमायथिनाय बायदिब्ला, गोबां सुबुंफोरा मोब्लिब आरो बिस होनानै ना हमनायनि जाहोनाव नाउबान्दा दैसायाव नानि बिबाङ खमायनो हमदों होन्नानै फोरमायथिबावो। बेबायदि नानि बिबां खमायनायखौ नुनानै बिष्णु बसुमतारिआ गावनि रां खरसा खालामनानै दैसायाव 5 रोजानिबो बांसिन ना' फुवानफोरखौ दैसायाव हगारनानै हायो। बेनि अनगायैबो बे समाव ओन्सोलनि सुबुंफोरा आयेन बेरेखायै ना हमनायखौ बन्द खालामदों। जैरै मोब्लिब आरो बिस होनानै ना हमनायखौ बन्द खालामो आरो आयेन बेरेखायै ना हमोब्ला आयेननि राहा लानाय जागोन होन्नानै बुंथियो। बेबायदि समाजनि मोजां हास्थायनानै नाउबान्दा दैसायाव ना फिसा हगारनायखौ ओन्सोलनि राइजो-राजाया साबायखर बाउहरदों बिथां बिष्णु बसुमतारिनिम।□

गुवाहाटीआव खुंनाय 12थि सेनियर नेसनेल रुगबि सेम्पियनसिपआ जोबलांबाय

सेम्पियनसिपनि दिनै जोबथा हाबाफारियाव गाहाइ आलासि महरै बाहागो लायो आसामनि राइज्यो बेंगिरि लक्ष्मन प्रशाद आचार्यआ। बे हाबाफारियाव बाहागो लानानै राइज्यो बेंगिरि आचार्यआ बे सेम्पियनसिपखौ गेलेमुनि आयदानि मोनसे गोहो गोरा गेलेमु महरै बाख्यायनानै बे गेलेमुआव लाइमोनफोरनि गोहो, आब्रुथि, गावखौ बाउसोमनाय आरो हान्जायारि खामानि होन्नानै फोरमायो। बे दुर्नामेन्टआव बाहागो लानाय गासैबो गेलेगिरिफोरनिसिम साबायख'र जासिदों राइज्यो बेंगिरिआ। हाबाफारियावनो गावनि बिबुंथिनि गेजेरजों राइज्यो बेंगिरिआ फोरमायोदि, रुगबि बायदि गेलेमुफोरा सोलोआरि सान्नाय, हान्जायारि गोरोबनाय आरो लोरबांथि-रेंगथिफोरन बायदि गुनफोरखौ गोखों खालामो। रुगबि गेलेमुआबो हादत दानायाव गेलेमुनि सोलायनाय गोहोखौ गोखों मदत होबोदों। आसामआव गुबुन गुबुन गेलेमुनि जांखिखंनाय लाबोनायखौ बाख्यायनानै राइज्यो बेंगिरिआ बुंबावोदि, आसाम सरकारआ राइज्योआव गेलेमुनि जांखिथाइ लाबोदों। खेल महारन हाबाफारि, गामियारि फोरोंथाइ मिरुफोर गायसन्नाय, गोदान स्टेडियाम आरो एथलिटफोरनि थाखाय थांखि जानाय राङारि हेफाजाब बायदिफोरा ओन्सोलारि रेंगथिफोरनि थाखाय नेसनेल आरो इन्टरनेसनेल थाखोआव जोंसारनायनि लामा सोरजिगासिनो दङ। राइज्यो बेंगिरिआ बे हाबाफारियावनो लाइमोनफोरखौ जेन्नाय आरो देरहानाय मोननैखौबो सोलॉंनायनि मोन्दांथि महरै बोजबना लानो थाखाय थुलुंगा होयो। रुगबि इन्डिया आरो आसाम रुगबि एस'सिएसननिसिम बे सेम्पियनसिपखौ खुंफुंनायनि थाखाय गोजोन्नायजों साबायख'र जासियो आरो इयुनआव बेबादि दुर्नामेन्टखौ खुंलांबाय थानो खावलायो। मख'नाय जायोदि, दिनैनै जोबथा बादायलायनायाव हारियाणानि हान्जाखौ फेजेन्नानै सोनाब बंग हान्जाया सेमिपयन बिमुंखौ मोन्नो हायो। दिनैनै बे हाबाफारियाव राइज्यो बेंगिरिजों लोगोसे गुवाहाटी हाइ कर्टनि बारग' बिजिरगिरि अरुप कुमार गस्वामी, सोनाब गुवाहाटी बिधान सभा बियाबनि एमएलए रमेन्द्र नारायण कलिता, पुलिस कमिशनार ङ्क पार्ठशारति महन्त, रुगबि इन्डियानि आफादगिरि राहुल बष, आसाम सरकारनि गेलेमु आरो लाइमोन अन्साइ बिफाननि सेक्रेटारि कौशर हिलाली, रुगबि इन्डियानि सिइअ अंकुस अररा, आसाम रुगबि एस'सिएसननि मावफुं आफादगिरि बिपुलानन्द पाठक आरो गेलेमु बिफाननि गोबां गोजौ थाखोनि दैदेनगिरि, बिबानगिरिफोरा बाहागो लादोंमोन।□

55थि सान्जा माजबात र्डालि बिहुआ लांदां बिहु बादायलायनायडजों जाफुंसारै थुंगेबाय

दरं, मंगलदै, उदालगुरि जिल्लानिफ्राय फैनाय बिहुवा हान्जाफोरा बादायलायनायाव बाहागो लाफैदों होन्ना 55थि सान्जा माजबात र्डालि बिहु फोबों बान्जाय आफादनि नेहाथारि जयनारायण कलिताआ खौरंगिरिनो मिबथिहोयो। लांदां बिहु बादायलायनायाव माजबात ओन्सोलनि गुबुन गुबुन रावआरि, हारि-हारिसानि सुबुंफोरखौ बाहागो लाफैनाय नुनो मोन्नाय जादों। लांदां बिहु बादायलायनायाव हांख्रायहरजानाय आलासि महरै माजबातनि एमएलए चरण बर', अप्सडि राजु ढकालमोनजों लोगोसे माखासे मान गोनां सुबुंफोरा बाहागो लाफैदों।□

माहाम देहानि राहा

बादामखौ माखासे राहाजों जायोब्ला साबसिन मुलाम्फा मोन्नो हायो

बादामखौ सावस्त्रिनि थाखाय मुलाम्फा गोनां होनना मानिनाय जायो। फुडव बे गोरान फिथाइखौ जानाया गोबां सावस्त्रि मुलाम्फा होयो। बादाम जानायनि मुलाम्फा जाबाय-

1. बेगेखौ गोखों खालामो: बादामआ केलसियामनि मोनसे मोजां फुंखा, जाय गोखों बेगें आरो हाथाइफोरनि थाखाय गोनांथार। बादाम जानाया देहायाव गोखै गोहो होयो आरो हारानि सावस्त्रिखौ साबसिन लाखिनायाव मदद खालामो। 2. बिखानि थाखाय मुलाम्फा गोनां : बादामाव अनसेचुरेटेद फेट थायो, जाय बिखानि थाखाय जोबोद मोजां। बादामा गाज्जि कलेस्ट्रलखौ बाडाय खालामो आरो थैनि गोसारथिखौ साबसिन खालामो। बादामाव थानाय मेगनेसियामा ब्लाइ प्रेसारखौ दबथायनायावबो मदद खालामो, जाय बिखाखौ उफ्रा रैखाथि होयो। 3. डाइजेशनखौ साबसिन खालामो: बादामखौ हरसे दोबैनाया एनजाइमफोरखौ हगारो, जायजों बेफोरखौ हजम खालामनायाव गोरलै जायो।



बेफोरखौ खुलिनाया गोरा बिगुरखौ बोखारो, जाय उदैयाव गोब्राब जानो हागौ। बेयो बुनायखौ बाइइ खालामो आरो डाइजेशनखौ साबसिन खालामो, जाय मोजाडै डाइजेशननि थाखाय गोनां हेफाजाब होयो। 4. बिगुरनि थाखाय मुलाम्फा गोनां: संनाय बादामाव एन्टीअक्सिडेन्ट, भिटामिन-इ आरो सावस्त्रिनां फेटफोर थायो, जाय बिगुरखौ सिनिफ्राय थाजिम खालामो। खान्थि बायदियै जानाया गोरान जानायजों जुजिनायाव मदद होनो हागौ आरो बिगुरखौ मोनसे जोंसारनाय, लाइमोन महर होनो हागौ। 5. गोसोखौ गोरा खालाम: बादामाव भिटामिन इ, अमेगा-3 फेटी एसिड आरो

एन्टीअक्सिडेन्ट बायदि निउट्रियेन्टफोर थायो, जाय मेलेमनि खामानिखौ बांहोयो। बेफोरखौ जानाया गोसोखांथि, गोसो हमथानाय आरो मेलेमनि मावथायखौ बांहोयो। बादामखौ माब्लाबाबो गोरान जानो नाइ। बेयो हजम जानाय एबा गेसनि जॅनानि जाहोन जानो हागौ। जानायनि सिगां बादामखौ 7 निफ्राय 8 घन्टानि थाखाय दैयाव दोन। थामहिनबा, बादामखौ हराव दैयाव सोमना ला आरो फुडव जानायनि सिगां बिखौ सुत्ता। बिसोरखौ हरसे फुटुंनाया बिसोरनि बिगुरखौ गुरै खालामो, जायजों बिसोरखौ हजम खालामनायाव गोरलै जायो आरो बिसोरखौ खुलिनाया बिसोरनि मुलाम्फाखौ बांहोयो।□

इभारग्रीन फावखुंग्रि रेखाया गावनि क्लासिक स्टाइलनि थाखाय मोजां मोनजायो



बलिउडनि एभारग्रिन फावखुंग्रि रेखाया गावनि क्लासिक स्टाइलनि थाखाय मिबथि जायो। बिथाडा मुम्बाइनि बेन्डस्टेन्डआव बयनिखुइ समायना न' बसेरा' आव थायो। बेयो मुम्बाइनि बयनिखुइ समायना आरो खाथिनि ओन्सोलफोरनि मादाव मोनसे। सुबुंफोरा गोजान गोजाननिफ्राय बिथानि न'नि मोनसे नुथाइखौ नायनो थाखाय बे ओनसोलाव फैयो। रेखानि 150 कौटि रॉनि हावेलिया मुम्बाइनि बयनिखुइ समायनासिन सम्पतिफोरनि मादाव मोनसे। समायना

डिजाइन खालामनाय बे न'आव गोबां ग्रिनारि दं, जाय बे न'नि फारसे थांनाय सुबुंफोरनि नोजोरखौ गावनि फारसे बोयो। हाबजेनग्रा दरखं मोथाडाव मोनसे गिदिर साता बायदि श्वाक्सार दं, जाय हावेलिनि फारसे समायनायखौ बांहोयो। मुजिथावना बाश्राया बेनोदि, रेखानि न'नि डिजाइनआ गावनि सावथुनाव उमराम जानखौ गोसोखां होयो। माखासे वालफोरा गुफुर गाबनि आरो समायना डिजाइन खालामनाय खिरिखिफोरा सान ऑखारनायनि मोदान्नायखौ दिन्थियो। रेखानि न'नि बायजो बाहागोआ बे

बाश्राखौ इंगित होयोदि, हावेलिआ मोगथांआव बेसेबां समायना जाथावो। भानुरेखा गणेशन, जायखौ रेखानि मुंजों मिबथिनाय जायो। बिथानि बसेरा न'आ बिथानि बायदिनो समायना। बेव गिदिर खिरिखिफोर दं, जायजों दैमानि सुदेम बार आरो साननि सोरांआ फैयो। रिपर्टनि बायदिब्ला, रेखानि न'नि वालफोरखौ समायना नुनाय आरो गोजोनखौ मोन्दांथि होनो थाखाय हानि गाबनि पेटानं गोनां वालपेपारजों साजायनाय जादों। इन्टिरियरआ खोला भारतनि नेम-खान्थि बायदियै साजायनाय जादों। बेयो थारैनो बे बायदिनो, जेरै नोंथांमोनहा सन्जय लिला भन्सालिनि मोनसे सावथुनाव नुनो मोन्दोंमोन। मिबथिनो मोन्नाय बायदिब्ला, रेखानि समायना न'आव रावखौबो नायखंखे होनायनि गनायथि गैया।□

केजिएफनि फावखुंग्रि श्रीनिधिआ गावनि फैनो गोनां 'हिट 3' सावथुननि प्रमसनाव नांथाबदों


'केजिएफ' सावथुनाव फावखुंग्रि यशजों लोगोसे नुजाथिनाय फावखुंग्रि श्रीनिधि शेट्टिआ आथिखालाव गावनि फैनो गोनां सावथुन 'हिट 3' नि प्रमसनआव नांथाबनानै दइ। बेनि गेजेराव फावखुंग्रिआ गावनि गिबि सावथुन 'केजिएफ' खौ लानानै बाश्रा सावरायदों। लोगोसेनो बिथांखौ केजिएफआव फ्लावारपट बुंजानायावबो गावनि कमेन्ट होदोंमोन। हिट 3 सावथुननि रिलिजखौ नेनानै थानाय फावखुंग्रि श्रीनिधि शेट्टिआ पिठिआइजो लोगोसे बावैसो सावरायलायनायावगावनि गिबि सावथुन के जिएफआव फ्लावारपट बुंनानै टुल खालामजानायनि सायाव बाश्रा सावरायनानै बुडोदि, आंहा केजिएफआव फ्लावारपट जानायाव जेबो जॅना गैयामोन, मानोना बेयो मोनसे ड्रिम प्रजेक्ट बायदिमोन। जेब्ला आं सल'खौ खोनासडे अब्ला मिबथिदोंदि आंनि फावआ ससेल, नाथाय आं फावखौ खालामनो गोसोमोन। आंनि गिबि सावथुना बेनो जाथों होन्नानै आं लुबैदोंमोन। फावखुंग्रिआ आरोबाव



सावरायलानायनि गेजेरजों बुडोदि, आथिखालाव जुदि नोंसोर आंनाव सोंथि खालामोब्ला, जे फैगौ माखासे सावथुनफोराव फ्लावारपट जाबावगोन नामा? अब्ला आं सम लागोन आरो सानग्रोगोन जे आं कालामनो ना खालामा। आं नायगोन जे सोर खालामदों, फ्लावारपटनि बेसेना बेसेबां। श्रीनिधिआ गावनि मुंदांखा जानायनि क्रेडिटखौबो केजिएफनिनो मोन्नै खोन्दोखौ होदों। श्रीनिदिआ थाबैनो हिट 3 सावतुनआव नुजाथिगोन। बे सावथुनाव बिथांजों लोगोसे फावखुंग्रि नानिआ हागाइ फावआव नुजाथिगोन। सैलेश कलानुनि गेजेरजों दिहुन जानाय बे सावथुना 1 मेआव सिनेमाहलफोराव रिलिज जागोन।□

अमिताभ बच्चनआ दिलिप कुमारखौ गावनि गडफाडार गनायोमोन

बलिउडनि गेदेर गेदेर सुपार स्टारफोरबो सोरखा नइ सोरखा सासेखौ गावनि गुरु, मेन्टर एबा गडफाडार मानियो, जायखौ नायनानै बिसोरो एक्टिं खालामनाय सोलोडो आरो बिसोरनि आगानजोंनो आवगायलांफायो। बेनि गेजेरावनो सासे फावखुंग्रि, बलिउडनि गेदेर फावगिरि अमिताभ बच्चन, जायखौ नुनानै माखासे फावखुंग्रि फावखुंग्रिफोरा आवगायलादों। नाथाय अमिताभ बच्चनआ गावनि गडफाडार आरो गुरुआ दिलिप कुमारखौ मानियो आरो जेब्ला बिथाडा मोनसे



सावथुनाव बिथांजों लोगोसे खामानि मावनो खाबु मोनो अब्ला बिथानि एक्सपेरियेन्सआ माबायदिमोन फै जों मिबथिना लानि। इन्सटाग्रामआव सुहाना दर मुंजों बानायनाय पेजआव आमिताभ बच्चननि मोनसे इन्टरभिउ शेरार खालामदों।

जेराव जावेद अख्तरआ बिथांनाव सोंथि खालामदोंमोनदि, दिलिप कुमारजों लोगोसे जयै खामानि मावनो मोन्नायनि बिथांनि एक्सपेरियेन्सआ माबायदिमोन, जायनि सायाव अमिताभ बच्चनआ बुडोदि, बेखौ फोरमायनाया जोबोद

पुजा हेगड़ेआ सावथुन प्रमशननि थाखाय 70 बोसोरनि गोजाम सारि गान्नांदों



साउथनिफ्राय लानानै बलिउडसिम गावनि समाइना एक्टिंनि फोरमान होनो हानाय फावखुंग्रि हेगड़ेआ गावनि फैनो गोनां सावथुन 'रेट्र' खौ लानानै एक्साइटेड जादों। सावथुननि प्रमशनआव नांथाबनाय फावखुंग्रिआ मोनसेनि उनाव मोनसे पस्ट शेरार खालामबाय थायो। बे समाव बिथाडा गावनि माखासे सावगारिफोरखौ शेरार खालामदों, जेराव बिथांखौ 70 बोसोरनि गोजाम कान्जिभरमनि सारि गान्नाय नुनो मोन्दों। सावगारिफोरखौ इनस्टाग्रामआव शेरार

खालामनानै फावखुंग्रिआ केप्सनआव लिरोदि, 'आल्मारिनिफ्राय 70 बोसोर गोजाम समाइना सारि दिहुन्दों, बेनो आंनि समाइना आबैखौ गोसोखां होयो, जाय कान्जिभरम सारि गान्नानै गावसिनि समफोरखौ थांहोदों, जुलिनि थाखाय थियारि जानाय सिगां न'आव जेसमिन बिबारनि प्रेस मोदोमनाय आरो अखा हाजेन्नायनि उनाव हाबुनि हानि मोदोमनाय बेफोरवनो समाइना दं। गोथां आरो पात्थाव गाबनि सारिजों लोगोसे फावखुंग्रिआ खानायाव गजरा लागायनाय

पहेलगाम जाथायनि थाखाय सलमानआ इउके टुरखौ दोन्थ 'बाय



जम्मु-काश्मीरनि पेहेलगामआव गिखंथाव उतखारि गारलोबनायनि उनाव बलिउड इन्डास्ट्रिनि गोबां गिदिर गिदिर स्टारफोरा गावसोरनि जानो गोनां स्व'फोरखौ दोन्थ'दों। मख'नो गोनांदि, आथिखालाव बलिउडनि मुंदांखा सुपारस्टार सलमान खानआबो मोनसे गोखों थिरांथा लानानै गावनि मावख'आरि इनस्टाग्रामनि गेजेरजों पस्ट खालामनानै फोसावदों। बिथाड पस्ट खालामनाय बादिब्ला, गावनि इउके दावबायनायखौ दोन्थ'बाय। बिथानि अनगायैबो सलमाननि सिगां मुंदांखा स्टार सिंगार श्रेया घपाल, बादशाह आरो अरजित सिंमोनहाबो गावसोरनि स्व'फोरखौ केन्सेल खालामदोंमोन। गुबुनफारसेथिं, फावखुंग्रि आमिरखानआबो बावैसो सान सिगां सावथुन आन्दास आपना आपनानि जरखा स्क्रिनिआव बाहागो लानायखौबो दोन्थ'दोंमोन। बावैसो सान सिगां सलमान खानआ गावनि मावख'आरि इनस्टाग्राम हेन्डेलनिफ्राय इउके टुरजों सोमोन्दो थानाय मोनसे पस्टखौ शेरार खालामदोंमोन। बिथाड लिरोदि, काश्मीरआव बावैसो जानाय दुखु नांथाव जाथायफोरखौ नोजोर होनानै गिलिर गोसोजों मेन्सेस्टार आरो लन्दनआव फैगौ मे दाननि 4 आरो 5 मेआव जानो गोनां दा बलिउड बिग वान स्व' इउके खौ दोन्थ'नायनि गोखों थांखि लादों होन्ना फोरमायथिदों। बिथाडा लिर्बावदोंदि, बे दुखुनि समाव दिन्थिफुंनायखौ दोन्थ'नाया जॉनि गेदेत थिरांथा बेनि थाखाय जायखि जाया जॅनाफोरनि थाखाय जों गोसो-गोर्बोंजों निमाहा बियो आरो नोंथांमोननि मदत आरो मोन्दांथिफोरजों बाहागो लाफादों। मख'नो गोनांदि, दा बलिउड बिग वान स्व' इउकेनि दिन्थिफुंनायखौ थाबैनो फोसावफिन्नाय जागोन होन्नानै सलमान खानआ पस्ट खालामदों। बिथानि बे पस्टखौ सशेल मिडियाआव अन्सायगिरिफोरा जोबोद बाख्यायदों।□

आरो खाफालाव फोथा थुनायजों लोगोसे पस्ट होनाय नुनो मोन्दों। 'रेट्र' सावथुनाव पुजा हेगड़ेजों लोगोसे फावखुंग्रि सुर्याआबो गाहाइ फावआव दं। सावथुननि मेकासफोरा बावैसो सिगां सशेल मिडियाआव सावथुननि टाइटेल् 'रेट्र' खौ एनाउन्समेन्ट खालामनानै टिजारखौ नायगिरिफोरजों लोगोसे शेरार खालामदोंमोन। सशेल मिडियाआव एक्टिभ थाग्रा पुजा हेगड़ेआ मस्ट-आपडेट सावथुनजों लोब्बा थानाय मोनफ्रोम आपडेटखौ शेरार खालामबाय थायो। फावखुंग्रिया इनस्टाग्रामआव सावथुननि टिजारखौ शेरार खालामनानै गोनांथि खौरां मिबथि होदोंमोन। पुजा हेगड़ेआ 2 मिनिटनि टिजारखौ इनस्टाग्रामाव शेरार खालामनानै केप्सनआव लिरोदि, बे फावआव आंनि गोसोनि मोनसे थुखा दं। इमशन्सजों बुंफबनाय मोनसे मोजां मोनलायनाय सल'नि टाइटेल् टिजार 'रेट्र' आ नुजाथिबाय। शेरार खालामनाय टिजारआव पुजा हेगड़े आरो सुर्याखौ मोनसे फुखिनि बोरियाव जिरायनाय नुनो मोन्दों। भिडिआव फावखुंग्रिया सासे गामियारि आइजोनि फावआव दइ।□

रानी मुखर्जीआ गावनि सावथुन केरियारआव मोन 6 सावथुनफोरखौ नेवसिगारनानै गिदिर गोरोन्थि मावदोंमोन

बलिउडनि 'बबली' रानी मुखर्जीनि केरियारआ दासिमाव मोजाडैनो थादों। 90 थि जौथायाव फावखुंग्रिया 'रजा की आएगी भारत' सावथुनजों बलिउडआव डेब्यु खालामदोंमोन। बेनि सिगां रानी मुखर्जीनि बे बोसोरावनो बँगली सावथुन 'बियार फुल' निफ्राय परदायाव खामानि मावनो जागायदोंमोन। रानी मुखर्जीआ गावनि 30 बोसोरसिम गोबाव सावथुन केरियारआव सा 3 खानजों लोगोसे माखासे हिट सावथुनफोर होदों। अदेबानि बेनि गेजेराव रानिआ माखासे सावथुनफोरखौबो नेवसिगारदों, जाय ब्लकबास्टर जादोंमोन। रानीआ गावनि सावथुननि केरियारआव बे मोन 6 सावथुनफोरखौ नेवसिगारनानै गिदिर गोरोन्थि मावदों। अक्षय कुमार, बिद्या बालन, राजपाल यादव, आसराणि आरो पेश रावल स्टारनि हरर कमेडि सावथुनाव गिबियाव रानीखौ मन्जुलीकानि फावनि थाखाय सशेल मिडियाआव अन्सायगिरिफोरा जोबोद बाख्यायदों।□

गोब्राव, मानोना जायखौ नोंथांआ उन्दैनिक्रायनो मोजां मोन्दों, बाख्यायदों, गावनि गुरु गनायदों, बियो जुदि हरखाबै नोंथांनि मोखांआव गसंन थाफैयोब्ला मा बायदि मोनो। जयै समान समान आवगायनाय, आखायजों आखाय हमलायनाय, बेयो जोबोद जर'खा मोन्दांथिमोन। सशेल मिडियाआव अमिताभ बच्चननि बे श्रबेक भिडिअया गोखैयै भाइरेल जागासिनो दं। 1982 आव नुजाथिनाय शक्ति सावथुनाव दिलिप कुमार,

शखि आरो अमिताभ बच्चनआ गाहाइ बिफाव होदोंमोन। बेव अमिताभ बच्चनआ सेकेन्ड लिड फावनि थाखाय थियारि जादोंमोन आरो फर्स्ट लिड फावखौ दिलिप कुमारआ खालामदोंमोन। मिबथिनाय जायोदि, अमिताभ बच्चननि ब्लेक सावथुनखौ नायनायनि उनाव दिलिप कुमारआ बिथांनो मोनसे लाइजामबो लिर्दोंमोन, जेराव बिथाडा अमिताभ बच्चननि खामानि मावनायखौ बाख्यायदोंमोन।□

'डिस्क डान्सार' मिथुन चक्रबतीआबो राज कुमारनि थुलुंगा मेन्दों



'जनि' सुंखौ खोनानानै खर'आव सासेल' फावखुंग्रिनि मुडा फैयो आरो बियो जादों राज कुमार। बियो सासे औरैबायदि फावखुंग्रिमोन, जाय सावथुन मुलुगाव गावनि पुलिसगिरि बायदि एटिटिटुइर्टनि थाखाय मिबथि जायोमोन। भिलेननि सिगाडाव बिथाडा माखासे औरैबादि स्टाइलआव डायलग बुडोमोन, जैरे पार्सनेल खिथेर होखारनाय बायदि। माखासे स्टार्सफोरबो बिथांजों बाश्रा सावरायनो गियोमोन, नाथाय जों सासे औरैबायदि स्टारनि सोमोन्दै मिबथि होनो नागिरदों, जाय फैगोदान एबा आगान होफैजेन्नायब्लाबो राजकुमारखौ गिदिर चेलेन्स होदोंमोन। बे फावखुंग्रिनि चेलेन्सआ बिथानि थाखाय जाफुंसार जानायाव सोलायदों आरो आथिखालाव बे फावखुंग्रिआ बलिउडनि गेदेर स्टारफोरजों सानफा जायो। अदेबानि जों सावरायगासिनो दं बलिउडनि डिस्क' डान्सार' मिथुन चक्रबतीनि बाश्रा। 80 थि जौथायाव राजकुमारआ 'गलियों का बादशाह' सावथुननि शुटिंखौ खालामगासिनो दंमोन आरो जेब्ला बिथाडा मिथुनखौ नुयो अब्ला डायरेक्टरआ बुडोदि, मबे-मबेनिफ्राय निउकामारफोरखौ लानानै फैयो, बेयो फिसा फावब्लाबो नाथाय बेनि थाखाय सासेबाव मोजां फावखुंग्रिखौ लानांगौमोन। बेफोरखौ मिबथिनायनि उनाव मिथुनआ फावखुंग्रिनि खाथियाव थाडो आरो बुडोदि, आंनो गोदान फैनाय, जायनि सोमोन्दै नोंथांआ बाश्रा सावरायगासिनो दं, आं थांनाय 7 बोसोरनिफ्रायनो इन्डास्ट्रीआव खामानि मावगासिनो दं। बेफोरखौ खोनासंखानायनि उनाव राजकुमारआ मिथुननि सायाव खोनासंहोनाय स्टाइलआव बुडोदि, एक्टिं खालामनाया गथ'फोरनि गेलेनाय नइ, बेवहाय गोबां फैयो आरो थाडो। बेखौ खोनानानै राजकुमारआ मिनियो आरो मिथुनखौ बुडोदि, गथ'नाव जोबोद गोहो दं, जुदि सावथुनफोराव माब्लाबा फिसा-फिसौ फावनि गोनांथि जायोब्ला आंखौ गोसोखां, आंहा बलिउडआव गोबां सिनायनाय सुबुंफोर दं।□

रानी मुखर्जीआ गावनि सावथुन केरियारआव मोन 6 सावथुनफोरखौ नेवसिगारनानै गिदिर गोरोन्थि मावदोंमोन

बलिउडनि 'बबली' रानी मुखर्जीनि केरियारआ दासिमाव मोजाडैनो थादों। 90 थि जौथायाव फावखुंग्रिया 'रजा की आएगी भारत' सावथुनजों बलिउडआव डेब्यु खालामदोंमोन। बेनि सिगां रानी मुखर्जीनि बे बोसोरावनो बँगली सावथुन 'बियार फुल' निफ्राय परदायाव खामानि मावनो जागायदोंमोन। रानी मुखर्जीआ गावनि 30 बोसोरसिम गोबाव सावथुन केरियारआव सा 3 खानजों लोगोसे माखासे हिट सावथुनफोर होदों। अदेबानि बेनि गेजेराव रानिआ माखासे सावथुनफोरखौबो नेवसिगारदों, जाय ब्लकबास्टर जादोंमोन। रानीआ गावनि सावथुननि केरियारआव बे मोन 6 सावथुनफोरखौ नेवसिगारनानै गिदिर गोरोन्थि मावदों। अक्षय कुमार, बिद्या बालन, राजपाल यादव, आसराणि आरो पेश रावल स्टारनि हरर कमेडि सावथुनाव गिबियाव रानीखौ मन्जुलीकानि फावनि थाखाय सशेल मिडियाआव अन्सायगिरिफोरा जोबोद बाख्यायदों।□



फावखुंग्रिया भुल भुलैया सावथुनखौ नागारनानै बे बोसोरावनो तारा राम पाम, लागा चुनरी में दाग सावथुनाव खामानि मावदों। नाथाय 2007 आव भुल भुलैया सावथुना बक्स अफिसआव दोहौ सोमजि होदोंमोन। आमिर खानजों लोगोसे 'गुलाम' सावथुन बायदि हिट सावथुन होनायनि उनाव रानिखौ 'लगान' सावथुनाव गौरिनि फावनि थाखायबो अफार होनाय जादोंमोन। रानीनि सावथुन नेवसिगारनायनि उनाव बे फावखौ ग्रेंसि सिंहआ खालामदों। लगान सावथुन रिलिज जानाय बोसोराव 2001 आव रानीनि चोरी चोरी चुपके

चुपके, बस इतनी सा ख्वाब है, नायक आरो कभि खुसी कभी गम सावथुना रिलिज जादोंमोन। रानी मुखर्जीआ आमिरजों लोगोसे शाहरुख खाननि सावथुनखौबो नेवसिगारदों। 'दिल से' सावथुनाव मनिषा कइरला आरो प्रिटि जिन्टानि जायगायाव गिबियाव रानी मुखर्जीखौ कास्ट खालोमनो गोनांमोन, नाथाय फावखुंग्रिया सावथुनखौ खालामनो नेवसिगारदों। 1998 आव रानि मुखर्जीआ सुपार स्टार आमिर खानजों लोगोसे गुलाम सावथुनाव नुजाथिदोंमोन। लोगोसेनो कुछ कुछ होता है आरो मेहेन्दीआबो बे बोसोरावनो रिलिज जादोंमोन।□

